


# ლიტერატურული გზეუტი

№102 2 აგვისტო - 5 სექტემბერი 2013

ბამოლის ორ კვირაში ერთხელ, პარასკეობით

ფასი 50 თეთრი



მარიამ ნიკლაური

ღვთისსახელავ

როგორ გინდა,  
მომიარო, დამასვენო, ამომასუნთქო.  
მოდისარ ხოლმე უხმაუროდ,  
ფეხაკრეფით ეშვები მთიდან  
და გამჭვირვალე ნაბიჯებით მიახლოვდები...  
ჰაერივით მივსებ დაღლილ ძველ სამოსახლოს,  
ნიავევით მაცოცხლებელ ჩქერებს მოაპობ  
არაფრობიდან ამოსული,  
მკლავებს ისე დაიკაპინებ, არცა მკითხავ,  
სად ფეკილია, სად ხმელი ფიჩხი,  
როდის უნდა ჩააკრა პური,  
როდის კვალი გაიტანო ჩემს ყანაში,  
არცა მკითხავ, წყაროს წყალზეც ისე ჩადიხარ,  
მე ჯერ კიდევ ძილის ფიჭა მიდგას თვალეში...  
როდის უნდა დაჯდე, დაღლილმა  
როდისლა უნდა დაასვენო შენივე თავი,  
ღვთისსახელავ – ჩემო კვირადღევ...

IV-V

## გიორგი ლობჯანიძე ჩემი ფანჯრებიდან

ფრაგმენტები

\*\*\*

საფლავზე ორ დღეში ერთხელ მაინც გავდივარ. ისეთი გაგულისებით ვგლეჯ ამოსულ ბალახებსა და სარეველებს, თითქოს ამათი ბრალი იყოს ყველაფერი. თითქოს რამეს გაანწყობდე ადამიანი მინს გულიდან ამოხეთქილ ამ სიცოცხლესთან, რომელიც შენი მშობლების მკერდიდან იზრდება და მზისაკენ მიიწევს.

ხანდახან ვფიქრობ, იქნებ ეს დედაჩემის თითებია, რომლებიც ასე მებლაუჭებიან და ცდილობენ, რაღაც გამაგებინონ მარადისობაზე.

ყველა ბალახისა და ყვავილის სახელიც სწორედ დედისგან ვიცი. მთელი სოფლის მინდვრები ერთად გვაქვს დაგლილი და ყოველთვის მიკვირდა, როგორ არჩევდა ამდენ მცენარეს, საიდან იცოდა და ახსოვდა თითქმის ყველა ყვავილის სახელი.

ერთხელ, გაზაფხულზე საგანგებოდ წამიყვანა ბაღში, რომ ეჩვენებინა, როგორ იძინებენ გვირილები. მზე ნელ-ნელა ჩადიოდა და გვირილებიც მზესთან ერთად ხუჭავდნენ თვალეებს. მე და დედაჩემი კი ვიდექით და ამ საოცარ სანახაობას შევცქეროდით. მაშინ

რატომღაც ძალიან დამასვენებდა ამ ამბავმა. სახლში რომ მოვედით, ოთახში ჩემთვის შევიკეტე და ტირილი დავიწყე.

საერთოდ, უცნაურია ბავშვობის, ბავშვის სიმარტოვე, მე მგონი, ყველა ასაკის სიმარტოვეზე უფრო გაუსაძლისი და აუტანელი, რაკილარასაც გრძობ, სწორად ვერ გამოგიტყვამს და გულში იბრუნებ დარდს, რომელიც შენს არსებაში ყველა ჩამავალ მზეს, თითქმის ყოველ დაისს შემოჰყვება.

დედაჩემი შინაგანად ძალიან გულჩვილი ადამიანი იყო, მაგრამ ვერ იტანდა დარდის ხმამაღალ გამომჟღავნებას ვერც ქალისგან და, მამაკაცისაგან ხომ ასეთი რამ, საერთოდ, დაუშვებლად მიაჩნდა. იშვიათად მახსოვს წყობიდან გამოსული და წონასწორობადაკარგული. ფიზიკურ ტკივილზეც ხმის ამოღება არასდროს სჩვეოდა. ბოლოსაც, ნაღვლის ბუშტი გაუსკდა, მაგრამ თურმე ისე ითმენდა ამ ტკივილებს, რომ სანამ ლოგინად არ ჩავარდა, უფრო სწორად, სანამ არ წაიქცა, ვერავინ, — ამდენი შვილიდან — ვერცერთმა ვერაფერი გავიგეთ...

პირიქით, იმ დღეებში ჩემს დას, ირმას ბიჭი ეყოლა და დედა ასეთი

ტკივილებით მაინც ჩავიდა რუსთაველი ჩვილის სანახავად. თან თავისი შეკერილი ლოგინი ჩაუტანა და იქიდან მობრუნებული სიხარულით ბრდღვი-ალეზდა.

მეორე დღეს გარდაიცვალა.

მე მაშინაც სოფელში ვიყავი. ჩემს დებს, მდგომარეობის გაუარესება რომ დაუტყვიათ, ერთი ჩვენი ნათესავი გამოუგზავნიათ მანქანით, სასწრაფოდ გიორგი მოიყვანეთ, ეგება დედას ცოცხალს მოუსწროსო.

მე რომ მივედი, დედა უკვე გონზე აღარ იყო. მამაჩემსა და ჩვენს სხვა გარდაცვლილებს ელაპარაკებოდა. წამით თუ მოვიდოდა ჩვენკენ, უკვე ვეღარ გვცნობდა. მხოლოდ იმას იძახდა: „ღმერთო, რა საცოდავად ვტოვებ გიორგისა და ჩემს შვილებსაო!“

პალატიდან გარეთ გამომიშვეს. საავადმყოფოს დერეფანში ვიდექი და წარმოსახვაში გვირილების უზარმაზარ მინდორს გავყურებდი...

მზე ჩადიოდა და გვირილები ნელ-ნელა იძინებდნენ...

VI-VII

რუსუდან რუსაძე

# თავიკაცი



„შენ დარჩი!“ — ველოდი, რომ ხანგრძლივი თათბირის შემდეგ ირაკლი ჩემთან ცალკე მოსურვებდა საუბარს. ნინკამ ტუჩები მოპრუნა: შე საბრალოო — პეპლებიანი ბლოკნოტი მკერდზე მიიკრა და პირველმა დატოვა შეხვედრის ოთახი. როგორც კი დაცარიელებული ყავის ჭიქებით სამზარეულოსკენ გაიკრიფა ყველა, თავისებურად დაიწყო:

— მაოცებ, არჩილ! ასე თუ გაგრძელდა, იძულებულს გამხდის, განყოფილება სხვას ჩავაბარო. ჰო ნახე, რა გამოვიდა აუდიტის შედეგებით? კადრების შერჩევაშია მთავარი შეცდომა დაშვებული!

— მესმის, მაგრამ სამსახურში მიღების პროცედურები ამ კომპანიაში ჩემი მოგონილი არ არის, — წარუმატებლად ვცადე თავის დაძვრება.

— არჩილ, ჩემო კარგო! თუ რამეა შესაცვლელი, ამაზე ინიციატივასაც შენგან ველი. მეტი უნდა ვიფიქროთ თანამშრომლების მოტივაციაზე, ზოგისთვის შეიძლება სულაც მაგიდის ფანჯრისკენ მიბრუნება აღმოჩნდეს საკმარისი. არ ვიცი, არ ვიცი...

უფრო ვრცელი შეხვედრა ხვალინდელი დღისთვის გადავდეთ, ხასიათი დილიდანვე ნამიხდა, სხვების ნახალისებაზე კი არა, ჯერ საკუთარზე უნდა მეზრუნა. აივანზე გავედი მოსანევად. „რაო, რაო?“ — ამეკიდა ნინკა. „არაფერი“, — ცივად მოვუჭერი და სამ ნაფაზში ჩავაქრე სიგარეტი. ამჯერად ხელში მურაკამის „ნორვეგიული ტყე“ ეჭირა. სულ ნივთების გაცვლა-თხოვებამია. სამ-ოთხ დღეში შეუხსენებლად აბრუნებს. „ნავიკითხე“, — დაადგება ხოლმე ნინკის პატრონს ანაკონდას გამომეტყველებით, დაქუცმაცების გარეშე რომ ჰყავს გამომწვევეული მსხვერპლი მის სხეულში. არასოდეს გამოუთქვამს აზრი ნაკითხულზე და არც მის ნაბლისფერ თვალებს დატყობია ოდესმე დაღლა, ცასავით მოკრიალებული აქვს სკლერები.

კაბინეტში მივბრუნდი. ისევ აუდიტის ანგარიში გადავფურცლე. გუშინაც ვერ დავუდე გული და ამიტომაც იყო, რომ თათბირზე წესიერად თავი ვერ დავიცავი. პალსტუხი შევიხსენი და ტელეფონს დავხედე. გამოტოვებულ ზარებს ჩავეყვი. აქედან სამი მიშასი იყო, სოფელში ჩვენ ეზოებს ტრიფოლიატის ღობე ყოფს ალაგ-ალაგ. ცუდი არაფერი მიფიქრია, მაგრამ კარგადაც არ მენიშნა. დაფურეკე და არც მომსალმებია, პირდაპირ მომახალა:

— ალარაა, ბიჭო, ბაბუაშენი... — ქალების ხმაური ერეოდა მიშას ხმას.  
— რას ამბობ, მიშა?! — სავარძლიდან ნამოვხტი.  
— ჰო... მამაშენს არ ვაგებინებ, სანამ ეგ დუნიას შემოუფრენს და ჩამოვა, ორმოცის დრო მოუვა ცხოვრებულს.  
— როდის გარდაიცვალა? — ისევ ჩავეყვი სავარძელში.  
— ასე, ორი საათის ამბავია...

— ახლავე გამოვდივარ! — საათს დავხედე.

— გელოდებით, აბა! — თავისი სათქმელი დაასრულა და ტელეფონი გათიშა.

რამდენიმე წუთში ისევ დარეკა. „ფრთხილად იარე, ბიძიკო, აღარსადაა გამქცევი ბაბუაშენი“, — მთლად მომილო ბოლო. ტელეფონი მაგიდაზე დავაგდე, ხელები თავზე შემოვიწყე და დიდხანს ვიჯექი თვალმდებარე უფიქროსი.

— მეტი არაფერი მომდიოდა თავში და მივხვდი, ბაბუაჩემის სიკვდილს ფიქრითაც ვერ მივწვდებოდი მანამ, სანამ ბუხრის ოთახში არ ვნახავდი დასვენებულს. აუდიტის ანგარიში ჩანთაში ჩავდე, პიჯაკი მზარზე გადავიკიდე და ნინკას მაგიდას მივუახლოვდი. ცალი ხელით სავარძლის საზურგეს დავეყრდენი, თავი მისკენ დავხარე და ჩუმად ვუთხარი:

— ნინ, მისმინე, ბაბუა გარდამეცვალა და სოფელში მივდივარ.

— ვაიმე, ბაბუაა? — ხმამალა შეიცხადა.

— ჰო! — ხელით ვანიშნე, ცოტა ჩუმად ელაპარაკა.

— სოფელში? — ხმას დაუდაბლა და თვალები კიდევ უფრო გაუფართოვდა.

— ჰო, არ მაქვს ირაკლისთან დალაპარაკების თავი. უთხარი, ეს კვირა არ იქნება-თქო.

— გაგიჟდი? გაგიჟდება!

— ჰოდა, სალათისფერი ამშვიდებს.

— იდიოტო! — გაბრაზება არ იყო ერთადერთი, რისი იმიტაცაც ნინკას შეეძლო.

ორი კვირის წინ ჩემს კაბინეტში მომიწყო სტრიატიზი. ხელმოსანერი დოკუმენტები მაგიდაზე დააწყო, პერანგი ჩაიხსნა, ცერა თითით სალათისფერი ლიფის ბრეტელი გამოწია და უცოდველი სახით მეკითხა: „რაღაც ისეთი ფერია, ამშვიდებს, არა?“ მას მერე ყოველ შესვენებაზე ერთმანეთის დასამშვიდებლად ვტოვებთ ოფისს. უკანდაბრუნებული კი ტალღებშილი პერანგს შეკრული პიჯაკის ქვეშ ვმაღავ საგულდაგულად.

\*\*\*

სახლში შევიარე. სპორტულ ჩანთაში ტანსაცმელი სწრაფად ჩავყარე, გზად ბანკომატიდან ფული გამოვიტანე და სოფლის გზას გავუყვი. ტრასა ცარიელი იყო, მშვიდად ვმგზავრობდი. გაზაფხულს უკვე თავისი გაეტანა და თოვლის ნათელი გამლილი კვირტების სითეთრით შეეცვალა. პირველივე ხიდის გადავლამ ამიშალა ფიქრები. გამახსენდა, მამაჩემის მანქანიდან როგორ შეეყურებდი ხოლმე მდინარეში მუხლებამდე ჩამდგარ, სარაფანაანულ გოგოებს და მე მგონი, ახლაც ამის წარმოდგენა უფრო მალეღებდა, ვიდრე ნინკას სალათისფერი ლიფი.

სოფელში დაბინდებისას ჩავედი. ჭიშკარი ღია დამხვდა. მანქანა კომპის ხის

ქვეშ დავაყენე და საერთო სალაში ვუთხარი ეზოში შეკრებილ მეზობლებს. უხმოდ გაიყვინე ორად და სახლისკენ გზა გამოთავისუფლეს. ბაბუა ბუხრის ოთახში ტახტზე ზუსტად ისე ესვენა, შუადღეს მკედარ საათს რომ გამოაცხადებდა და გულალმა მისცემდა ძილს თავს. რამდენჯერ მიმიყურადებია მძინარესთვის, ნეტავ, თუ სუნთქავს-მეთქი. ახლა კი მისი უსიცოცხლო სხეული მოტყუებული თვლით ჩათვლემილს დამგვანებოდა. სათითაოდ შემოვიდნენ მეზობლები და სამძიმარი მითხრეს. თავი უხერხულად ვიგრძენი და სიგარეტს მოფუკიდე. ბუხრის თავზე დადებული პატარა სპილენძის თასი ხელში ავიღე და ისე დავუწყე თვალღებება და დაკვირვება, თითქოს პირველად ვხედავდი. არაფერი მერჩივნა იმის ცქერას, როგორ იპარსავდა ბაბუა წვერს. სამზარეულოს წინ სკამზე ააყუდებდა სარკეს, წყლით სავსე ფიალას, ქაფით სავსე სპილენძის თასს, ფუნჯს და საპარსს კოხტად დალაგებდა და თვითონ სამფეხაზე ჩამოჯდებოდა. მე ხან ბაბუას ვუყურებდი, ხან კი მის აქაფებულ ანარეკლს სარკეში. საპარსს ერთი-ორჯერ მეც ჩამომასმეინებდა დაღარულ სახეზე და თავს კაცად მაგრძობინებდა.

მიშა გვერდით ამომიდგა. მაგიდაზე გაშლილ ნარდზე მიმითია, ორ კარს შუა მოკლული ქვა იდო. „შუადღეს გადმოვაკითხე, შუა ნარდის თამაშის დროს, გლახად ვარო. ტახტზე წამოვანვინე. სანამ წიდან წყალი მივანოდე, მთლად გათეთრებულიყო საწყალი. მივაძახე, მაგრამ სააქაოს აღარ იყო, სადღაც იყურებოდა, იქეთ... რახან შენ მოხვედი, ვერჩიკა, რაღა მომკლავსო და კი დალია სული!“ — ხელი ხელს შემოკრა მიშამ.

— თავიკაცი უნდა ავირჩიოთ, — შესვენების გარეშე გადავიდა საქმეზე.

— რა თავიკაცი, მე თვითონ მივხედავ ყველაფერს. ნურავის შევანუხებთ, — უადგილოდ შევიცხადე.

— რა შენუხება, შე კაცო, პატივია! — ხელები გაშალა მიშამ.

— კი, მაგრამ როგორ უნდა ავირჩიოთ? — მე ახლა ჩემსას გეტყვი, კოსტია ხომ გახსოვს? გარე ბიძაშვილია თქვენი!

— კოსტია როგორ არ მახსოვს!

— ჰოდა, სანდო, პატიოსანი და თავიანი კაცი ეგაა. პატივს არ დააკლებს ბაბუაშენს!

ყოველგვარი განხილვის გარეშე დავთანხმდი. სხვა კანდიდატურა მე არ მყავდა. სალამოს რიგ-რიგობით დაინყეს ბიჭებმა დარეკვა. ყველას ვთხოვე, არ ჩამოსულიყვნენ. იმათი მასპინძლობის და ნაბახუსევიდან გამოყვანის თავი ნამდვილად არ მქონდა.

\*\*\*

მიწრე დილით უთენია ავედექი. ნინკას მესიჯი დამხვდა: „სოფლიკ, მომენატრე“.

არაფერი მიპასუხია. აქამდე მეგონა, ნინკას მხოლოდ პირველიდან ორ საათამდე ვახსოვდი, ისიც სამუშაო დღეებში. სოფელს უკვე ეღვიძა. კოსტია მოსულიყო. წლების უნახავს ხორბლისფერ თმაში ჭალარა შერეოდა. მომისამძიმრა, მაღლობა მითხრა თავიკაცად არჩევისთვის და ჩემების ამბები გამომკითხა წვრილად. დოქიდან წყალი ჩამოისხა და მომიბრუნდა:

— ეჰ, სიკვდილს სადაა აქვს ჭკუა, თორემ სოფელში გაზაფხულსა და შემოდგომაზე კაცი არ უნდა კვდებოდა, მარა ყანების მოცდენა ჯობია მიცვალებულის უპატივცემულობას. შენ ნუ გეშინია, ყველა დაგიდგება გვერდით. ვისაც აქ ხედავ, სულს განირავენ იასონისთვის. ასეა მაგალი! შენ დასაპატივებელი ხალხის სია დამიწერე სალამოდ.

— შენ და მიშა უნდა მომეხმაროთ, — ვერაფერს ვაბამდი თავს დაუხმარებლად.

— აქ არა ვართ?! ჰო, ელზა იქნება თავიქალი, ცეცხლი გასდის ხელიდან, ნამეტანი პატივს სცემენ ქალები. მე სად ვიღო ახლა ყველას სათითაოდ.

— კი ბატონო, — უსიტყვოდ დავთანხმდი.

— მოპატივე ლელა იქნება. არაა სეფაში გამოსამწყვედვეი გოგო, შესახედადაც კარგია და ლაპარაკიც არ ეშლება. სუფრაზე ის მიიპატივებს გასვენებაში მოსულ სტუმრებს. გასათხოვარი გოგოა და ახლა უნდა მაგას ხალხში გამოჩინა. ხომ გახსოვს ანეტას შვილიშვილი?

ჩემს პასუხს არ დაელოდა, ქალებთან ერთად მოფუსფუსე ლელას გასძახა. ველარ ვიცანი, შეფერთხილიყო და გაფერმქოთალებულიყო. ჯერაც არ დამეინყებია, როგორ გამომაპანდურა ბებიამისმა ანეტამ ჩემი ბადმინტონის ჩოგნებიანად: „იასონს რამდენი ყავს შენისთანა ჭკვიანი? ჯერ ერთი მაგ დაკვარჩხულს ბურთს ეძახი, მერე მაგის დაჭერას შეხტომა უნდა, ნადი და ბიჭებს ეთამაშე!“ მაგის მერე იყო, ქუჩაზე გაუთავებელი ავლა-ჩავლა და ლელას ჭიჭურთან იასონის ველოსიპედის გაფუჭება რომ დავინყე. ბოლოს ბებიამისმა ლობზე ქანჩები გადმოკიდა, რომელიც დაგჭირდეს, ის აიღე, ჩემს შვილიშვილს მაგისთვის ნულარ შეანუხებო. ლელა მომიახლოვდა, ვიზიარებ მწუხარებას იასონ ბაბუას გარდაცვალების გამო, სხაპას-უპით მომისამძიმრა და ხელი ჩამომართვა. იმდენად მესიამოვნა მისი დანახვა, პასუხად გავუღიმიე და მაღლობის ნიშნად თავი დაუჭინე.

— გადასახურავის ამკრეფად ვალიკოს დავსვამ. შენ ვალიკო არ დაუძახო, ზურიკო ჰქვია. სულ ვალი აქვს მაგ უბედურს და იმიტომ ვეძახით ვალიკოს, დათვლა კი იცის კაი, — საქმეზე ლაპარაკი განაგრძო თავიკაცმა.

— რას ამბობ, კოსტია? ფულის შეკრება არ გამაგონოთ!

— ბაბუაშენს იმდენი გავალბა აქვს, რად უნდა, ბიჭო, შენი ფული! პატივი ეცი მის კაცობას.

— სანდოა ვალიკო? — მორჩილად და სხვათაშორის ვიკითხე.

— სანდო რომ არ იყოს, ვალი კი არ ექნებოდა, ბიძიკო. შოთას ბიჭი არ დამიტოვოთ, — გასძახა ეზოში შეკრებილ ბიჭებს, — გასვენების დღეს ეტლიანად გადმოიყვანეთ, დაუჯდება ვალიკოს გვერდით და მიეხმარება. მარტო არც ის ინდობს ფულის დათვლას!

კოსტია ჩქარობდა ხალხის შეკრებას, რომ საქმეს დროულად შესდგომოდა. ყველა შეთავაზებაზე უსიტყვოდ ვთანხმდებოდი, მაგრამ მაინც გულმოდგინედ მიხსნიდა, რატომ ეიმედებოდა ვალიკო ან რითი აჯობებდა ელზა სხვა ქალებს. ზედმინევიტო კარგად იცოდა, სოფელში ვინ რისი გამკეთებელი იყო და რატომ იქნებოდა მოხარული ჩვენი ოჯახის მსახურებით.

— სამი ახალი კომლია სოფელში, იცი? — არა, საიდან.

— მთაში ცხოვრობდნენ და მენყერს წაუღია იმათი სახლები. წელიწადი არაა, რაც დაგვიმუხობდნენ. ჰოდა, იმათ ვთხოვ ეზოს დალაგებაში მოგვეხმარებო, არ დაგვზარდებია. ჩვენ თუ არ ვაგრძობინეთ, რომ ამ სოფელში ერთის ჭირი და ლხინი ყველასია, სულ ასე ცალკე იქნებოდა.

სალამოს ვახშამი ეზოში გავშალეთ და ყველამ ერთად მოსაპატივებელი სტუმრების სია შევადგინეთ. მზარეულიც შემოგვესწრო და სადილის მენიუ შეგვითანხ-

მა. მოკლედ, საქმე ყველამ დაინანილა. სა-  
ლაშობით სამძიმარი რომ მოთავდებოდა,  
შეიკრიბებოდნენ კალოშებში გამონყო-  
ბილი თავნაკრული ქალები და რეზინის  
ჩექმებიანი კაცები და მეორე დღის საქმეს  
დაგეგმავდნენ. მერე ერთად შემოუსხდე-  
ბოდნენ მეზობლების მიერ რიგ-რიგობით  
მომზადებულ ჭირისუფლის მოსაკითხ  
სადილს და კიდევ ერთხელ იტყოდნენ  
ბაბუას შესანდობარს. ყოველ დღით კოს-  
ტია პირველი შემოაბიჯებდა ეზოში, ახლა  
მე თუ დამინყო ლოდინი ამ ხალხმა, შუა-  
დღემდე ვერ მოვბამთ თავს დაგეგმვასო.  
ვინმე თუ მოვიდოდა ჩემთან, თავიკაცი  
გვერდით გაიხმობდა, მე მითხარი, არჩილს  
სადაა აქვს ამაზე ფიქრის თავი, მაგან  
მიცვალეზღუდეს თავისებურად უნდა სცეს  
პატივიო. ერთი სიტყვით, კოსტია იყო ჩემი  
ჭირის უფალი.

\*\*\*

დაპრქალპის ნინა დილას ბაბუას  
ცხედრის გამპატიოსნებლები უნდა დამე-  
სახელებინა. თავიკაციგან უკვე ვიცოდი,  
რომ ბევრი ელოდა ამ პატივს ჩვენი ოჯახ-  
ისგან. კოსტიას გარეშე ახლაც ვერაფერი  
გადანწყვიტე. „მე თუ მკითხავ, ერთი ანგე-  
ლინა უნდა იყოს, ეს ორი მოხუცი იყო ამ  
ქუჩაზე დარჩენილი ერთმანეთის იმედად.  
ანგელინაზე ახლობელი ბაბუაშენს არავინ  
ჰყავდა. გენადის ბიჭი მიეხმარება, ავადაა  
ნამეტანი, იქნებ შეენიოს უფალი და გამო-  
ჯანმრთელდეს. მიცვალეზღუდეს სხეულის  
გაპატიოსნებაზე დიდი მადლი არაფერია,  
იცოდე,“ — მაგონ, ელოდა კიდევ, რომ  
აზრს აუცილებლად დავეკითხებოდი.  
შევთანხმდით, სალაშობის ანგელინა და გენა-  
დი გამოაწყობდნენ ბაბუას. ჯოხზე  
ჩამოყრდნობილ გენადის იქვე გავანდე  
გადანწყვიტე. დაუჯერებელი მეგონა,  
რომ ასეთ შეთავაზებას შეიძლება ადამი-  
ანი გაეგებდნენებინა.

ანგელინას სახლში ვეახლე. ჭიშკრიდან  
არ დამიძახია, ისე შევედი ეზოში. ფან-  
ჯარასთან დამჯდარიყო, ნინილები კალ-  
თაში ჩაესხა და დამქანარი ხელებით პურს  
უფშენიდა. მაგიდაზე მიბმული კრუხი  
ჰაერში გაჭიმული ცალი ფეხით ინევდა  
მოხუცისკენ. „ანგელინა ბებია!“ — მიუახ-  
ლოვდი და ჩუმად დავუძახე.

— რომელი ხარ? — თავი არ მოუ-  
ბრუნებია ჩემსკენ, ისე მკითხა.

— არჩილი ვარ, იასონის.

— აჩია, შენ ხარ, ბებო? გიცანი, თვალს  
დამაკლდა, თორემ საცნობარი კი არ დამი-  
კარგავს. კარგი ბაბუა გყავდა, კარგი! —  
მომატირა და ჩამონელილი თვალის გუგე-  
ბი ცრემლით გავესო, — გახსოვს უფშურის  
გამოსალლოცად რომ დავდიოდით თქვენთან?

— მაგას რა დამავინწყებს. ზეპირად  
ვიცი — „უფშურო დედიანო, უფშურო მამი-  
ანო, შენი დედა ტირის, შენი მამა ტირის...“  
— უშეცდომოდ ამოტივტივდა მესხიერე-  
ბის ზედაპირზე.

— შავგულე დოუკლავთ, ულუფაში  
შოუნახავთ, ადრე მიხვალ კი გაჭმევენ, გვი-  
ან მიხვალ არ გაჭმევენ, — გამხიარულდა  
ანგელინა.

— ფუი, ასე გააქარე, ფუი, ასე გააქარე!  
— ერთხმად შევძახეთ და ორივეს გული-  
ანად გაგვეცინა.

— ის უფშური ისედაც კი გაგივილიდა,  
ბებია, მაგრამ მე რომ გამოგილოცავდი, იმ  
ლამეს მშვიდად ეძინა ვერჩიკას, — ნი-  
ნილებიანად გადმოიფერთხა კალთა ანგე-  
ლინამ და მაგიდისკენ მიმოითია, — ხალვა  
უნდა იდოს თეფშზე, აილე, პირს გა-  
მოგიკეთებს!

— ანგელინა ბებია, შენ უნდა გააპა-  
ტიოსნო იასონი, — გადანწყვიტელება გა-  
ვაცანი.

— მაგაზე გეტყვი, ბებია, უარს?!  
ძმასავით მყავდა ეგ უბედური, ერთი შემ-  
ცხადებელი არ ჰყავს ოჯახში, თორე მაგის  
სიკვდილი მინაზე ადრე ცას უნდა გაეგო,  
ცას! — თვალები ზემოთ ალაპყრო.

სანამ გამპატიოსნებლები მოვიდოდ-  
ნენ, ბაბუას კარად გამოვალე. მისი სხ-  
ეულისა და ნესტის სურნელი ერთმანეთში  
ირეოდა. ტანსაცმელს დიდხანს ვურჩევდი,  
მამას გამოგზავნილი პერანგებიდან შე-  
დარებით ახალი ამოვარჩიე და სკამზე გა-  
დავიკიდე. „დაგეტოვებ ახლა მარტო,“ —  
ანგელინას ხმა შემომესმა ზურგსუკან. „ნე-  
სია ასეთი,“ — მომიბოდიშა გენადიმ. აი-  
ვანზე გავედი და სიგარეტს მოვუკიდე,  
კარგა ხანს მესმოდა, როგორ ელულუნებო-  
და ანგელინა ბაბუაჩემის მკვდარ სხეულს.

„იასონ, გაუყარე ხელი, არ გატკენ, რამ  
შეგაშინა, შე კაცო! ჩემი გერცხვინება? და  
ვარ მე შენი! ნუ გაჯიუტდი ახლა, შეხედე  
ამას!“ — გაუნყრებოდა კიდევ ხანდახან.  
„ვერიკამდე კი მიყვებოდა ჩემი ხელის სით-  
ბო, იასონ, არ გეამა ნატკენ გულზე რომ  
დაგისვი? შენ გულს ვენაცვალე! ჯერ კაცი  
უნდა ნავიდეს და მერე ქალი, ცოდვაა  
ცოლის ცრემლი არ მიყვებოდეს და მისი  
ხელი არ ეფერებოდეს შენს დამჭკნარ სხ-  
ეულს!“ — უქალოდ სიკვდილის კიდევ  
ერთხელ შემეშინდა და ჰამაკვი მოქანავე  
ლელას გავხედე.

\*\*\*

დილით გადმოვნიშნა. სისველემ მეტი  
სიმკვეთრე შესძინა ხეების ნორჩ სიმწვანეს,  
ლელას ოქროსფერქაშიან ლურჯ კაბას  
და ლამაზად ჩანნილ ქერა თმას. ოთახი-  
დან კარგად ვერ ვხედავდი ეზოს, მაგრამ  
ფეხის ხმით ვხვდებოდი მის მოახლოვებას  
და სიშორეს, სამძიმარზე მოსულელებს ჯერ  
სახლისკენ გამოუძღვებოდა, შემდეგ კი  
სადილზე მიიბატიუებდა. შუადღისთვის  
ეზოებში დაკრეფილი შრომანებითა და  
ყორივარდებით მთლად დაიფარა ბაბუას  
სხეული.

მღვდელსა და მგალობლებს შეთვლაც  
არ დასჭირვებიათ, ისე მოვიდნენ დაპრქა-  
ლის დღეს ნესის ასაგებად. „არა არს კაცი,  
რომელიც ცხოვდეს და არა სცოდნოს,“  
— მეტი არაფერი გაუგია ჩემს ყურებს.  
ბაბუას თავთან დადებულ შავ-თეთრ ფო-  
ტოს მივშტორებოდი და ჩემს ბედნიერ ბავშ-  
ვობაზე ვფიქრობდი. ფოტოზე ბებიას კო-  
პლებიანი კაბა ეცვა და სკამზე ოდნავ წინ  
წამოწეული და ნელში გამართული იჯდა,  
სამხედრო ფორმაში გამოწყობილ ბაბუას  
კი ერთი ხელი ბებიას მხარზე ჩამოედო,  
მეორეთი კი ჩიბუხი დაეჭირა განზე. ფსალ-  
მუნების ფონზე ჩვენს უქალოდ დარჩენილ  
ოჯახზე ვფიქრობდი. ბებიას გარ-  
დაცვალეზღუდეს და დედანიმის გათხოვების  
შემდეგ დავიფანტეთ კაცები. ბაბუა არაფ-  
რით გამოგვეყვა ქალაქში, მამა აფრიკაში  
წავიდა სამუშაოდ, რე რაც წამოვიზარდე,  
ათასში ერთხელ თუ ჩავდიოდი სოფელში.  
უქალებოდ გავცივდით, აღარც ვსაყვე-  
დურობდით ერთმანეთს უყურადღებობის  
გამო. თითქოს ერთმანეთს ვაბრალებდით  
მათ გაქრობას ჩვენი ცხოვრებიდან.

მღვდელმა რომ დაგეტოვა, კოსტია  
ჩუმად ამომიდა რა გვერდით, საფლავი  
გამზადებულია, ყველაფერი წესრიგშიაო,  
ჩუმად მითხრა და სადღაც გაქრა. ნელ-  
ნელა მოსამძიმრეთა რიგი შეთხელდა,  
ჯგუფ-ჯგუფად მოეყარათ თავი ეზოში და  
ბაბუას გასვენებამდე ლაპარაკით იქცევდ-  
ნენ თავს.

„დროა, სადაა თავიკაცი?“ — გადა-  
ეჭურჩულე მიმას. ხელით მანიშნა, ნუ ლელა-  
ვო. კარებისკენ გადავინაცვლე და ეზოში  
შეკრებილების გადავავლე თვალი. უცებ

სიჩუმე ჩამოვარდა და ყველა ჭიშკრისკენ  
მიბრუნდა. კარგად შემონახულ ძველსა და  
ნათხოვარ ტანსაცმელში გამოწყობილ ია-  
სონის მსახურებს თავიკაცი მოუძლოდათ.  
კოსტიას ეკლის ხის ტოტი დაეჭირა, მე-  
ზობლებს ზედ სანთლები დაენთოთ და  
თეთრი ჭინჭები შეებათ. ჩამორჩენილებს  
დაელოდა და ეზოში შემოაბიჯა. სახლში  
შემოსვლისთანავე ეკლის ხე ბაბუას თავთან  
დადგა და ყველას მაგივრად წარმოთქვა,  
თუ რამე განწყენით, შეგვინდე და დალ-  
ოცვილები დაგეტოვებო. გარს შემოერ-  
ტყნენ მიცვალეზღუდეს, გულამოსკვნიტ  
ტიროდნენ ქალიან-კაციანად, ზოგი ია-  
სონს, ზოგიც თავის მკვდარსა და უბედო-  
ცხოვრებას და სათითაოდ ემშვიდობებოდ-  
ნენ ბაბუას.

„დროა!“ — თავიკაცმა მხარზე ხელი  
დამადო, დაგეტოვებო, მანიშნა და ბიჭებს  
გახედა. ყანამოცდენილებმა მხარზე  
გაიდეს ბაბუა და სოფლის სასაფლაომდე  
ფეხით ატარეს. იასონი ვერიჩკას გვერდით  
დავკრძალეთ, მინაში ჩაფლულ ეკლის ხეს  
ჩემი ცხვირსახოცი შევაბი და ყველა გამო-  
ტოვებული დაბადების დღის და უსიტყვოდ  
გავზავნილი ფულის გამო პატიება ვთხ-  
ოვე.

დილით ადრე ავდექი. ქალებს ჭურჭე-  
ლი უკვე დაერეცხათ, ითვლიდნენ და  
ყუთებში ალაგებდნენ, ზვიდან მობერილ  
ქარს აყვავებული ტყემლების სურნელი  
ერეოდა. დიდი ჯამები სახლის გარეთა  
კედელზე მიეკიდათ გასაშრობად. იქვე  
ჩემი ბავშვობისდროინდელი ზადმინტონის  
ჩოგნები და ბაბუას თოხის პირები ეკიდა  
მწკრივად, მინიდან აყოლილ ნესტს რომ არ  
დაეუხანგა.

— აბა, ხალხო, მალე ჩამოვალ, — მათ-  
თვის სათქმელ მადლობას სხვაგვარად  
მინც ვერ ვიტყვოდი.

სათითაოდ დავემშვიდობე ყველას და  
ქალების გამზადებული საგზალი საბარ-  
გულში ჩავდე. კოსტიამ თეთრი საქალა-  
დე გამომცა და გადამეხვია:

— იასონის საბუთებია, შენთან იყოს.  
მისი ხარჯები კი გაისტუმრა ბაბუაშენმა.  
სატირალის რვეულიც აქ ჩავდე. სიკეთეში  
გადაგეხადოს, აჩია, ამ ხალხისთვის!

— თქვენს ვალს რა გადამახდევინებს,  
კოსტია, შენ რომ არ დამდგომოდი გვერ-  
დით! — იმწუთას მასზე ახლობელი არავინ  
მყავდა.

— ბაბუაშენის არყის სახდელია ჩემთან,  
გადმოვიტან ამ დღეებში და სარდაფში შეგ-  
ინახავ, — კოსტიასაც ბაბუაჩემივით გას-  
ჩენოდა იმედი, რომ ოდესმე სოფელს და-  
ვუბრუნდებოდი, — ნუ გეშინია, ბიძიკო,  
საქმეს მიხედე, ორმოცამდე არ გამოკვეტ-  
ავთ ამ სახლს, სანამ ბაბუაშენის სული აქ  
ტრიალებს და მერე, აბა, შენ იცი, როგორ  
არ გააციებ კერას, ამ ოჯახის თავი შენ ხარ  
ანი!

თბილისში შუალამისას დავბრუნდი.

სანამ სოფლიდან წამოვდებულ დავთრებს  
და საბუთებს სანერი მაგიდის უჯრაში მი-  
ვუჩენდი ადგილს, გადავარჩიე, დავახ-  
არისხე, ძველი ქვითრები დავჭმეჭმე და  
ძირს დავყარე. ერთ გაცრეცილ რვეულს  
ბაბუას ხელით ეწერა „ჩემი ვერიჩკას სატ-  
ირალი“. გადავფურცლე, ვრცელი სია იყო  
გვერდით მინერილი ფულითა და სურსათ-  
სანოვავით. ბოლოში გამოუგზავნილი წერ-  
ილი ვიპოვე: „რაფერ ხარ, აჩია? ბაბუ, ესაა  
საშობაოდ ჩამოვალო? რად მინდა მე თქვე-  
ნი გამოგზავნილი ფული, გლახაკი კი არ  
ვარ. ჩემი სამყოფი საქმელი სულ მაქვს.  
მამაშენმა მთლად მომყარა მინა. დედაშ-  
ენს გადაეცე, ჩემი ნუ მოერიდება, ჩამო-  
ბრძანდეს, როცა ენებოს. ერთი სათხოვა-  
რი მაქვს, ბაბუ, გულმა შემომიტია ამ ბოლო  
დროს, ექიმი არ გამაგონო! რამე საგულე  
ეცოდინება პროვიზორს, გირჩევს რამეს.  
იასონი.“

\*\*\*

„შენ დარჩი!“ — ველოდი, რომ ირაკ-  
ლი თათბირის შემდეგ ჩემთან ცალკე მოი-  
სურვებდა საუბარს. ნინკამ ტუჩები მო-  
პრუნა, ახლა რალას გერჩისო. პეპლებიანი  
ბლოკნოტი მკერდზე მიიკრა და პირველ-  
მა დატოვა შეხვედრის ოთახი. როგორც კი  
დაცარიელებული ყავის ჭიქებით სამზა-  
რეულოსკენ გაიკრიფა ყველა, მომიბრუნ-  
და და თავისებურად დაინყო:

— მათცებ, არჩილ! ნახე ახალი გამოკ-  
ითხვის შედეგები? არც ერთი გაშვებული  
ადამიანი და ამდენი ბედნიერი თანამ-  
შრომელი სულ ოთხ თვეში! რა დაგიბარა,  
ბიჭო, ბაბუაშენმა? — ღიმილით მკითხა.

— ძალი შინ არ ვარგოდა და სანად-  
იროდ გარბოდაო, — გავუღიმიე და თავი  
დავხარე, — ირაკლი, ვტოვებ კომპანიას,  
— მაინც გამიჭირდა კარგად მოფიქრებუ-  
ლი გადაწყვეტილების გამხელა.

— მეხუმრები, კაცო? სად მიდიხარ? —  
ბრაზი შეერია ხმაში.

— არა, არა, სხვა სამსახურის ამბავი  
არ არის. სოფელში მივდივარ, — ახლა  
უფრო თამამად შეხვდეთ.

— კარგი რა, არჩილ, კარგი რა! კარ-  
გად მოიფიქრე, გადალლილი ხარ, ბევრი  
იმრომე ეს თვეები. კუთვნილი შევბულება  
გამოიყენე და მერე დავილაპარაკოთ, —  
ხელი ჩამომართვა და ოთახიდან გავიდა.

კაბინეტში მივბრუნდი და ჩემი ნივთე-  
ბი პატარა ყუთში ჩავალაგე, საშვის და  
ოფისის გასაღების ჩასაბარებლად მის-  
ალებში შევჩერდი. ნინკა ფანჯრისკენ მი-  
ბრუნებული მაგიდის კიდზე ჩამოქ-  
დარიყო და ტელეფონზე ლაპარაკობდა.  
ყავის ჭიქა შენი იყოს-მეთქი, ვანიშნე და  
შუბლზე ვაკოცე. ვერაფერს მიხვდა,  
ლაპარაკი არ შეუწყვეტია, ისე დამანია  
გზაში ჰაეროვანი კოცნა. იმ დამეს არ  
დამეძინა, ტანსაცმელი და ნივთები პირდა-  
პირ საბარგულში ჩავყარე და გათენებამ-  
დე დავტოვე ქალაქი...



მარიამ ნიკლაური

ყანისგულს ერთი ყაყაჩო

ეთეროს

ყანისგულს ერთი ყაყაჩო
ნითს. ნითლის ქებად ანთია.
მარტო ლამაზი არ ეთქმის,

მე დგნალის ხე ვარ

შებუსვილი ჟრუანტელით და
მოლოდინით
მე დგნალის ხე ვარ —
გაზაფხულის ბუდე — ბაია...

შენ როცა ნახვალ

რა თქმა უნდა, შენ როცა ნახვალ,
ალარაფერი არ დარჩება ჩემგან ხსენებად.
მხოლოდ შენზე ისაუბრებენ,

ბედნიერების სახელით რომ სულსა მხდიდი,
სუნთქვას მიკრავდი, ლუკმას მაცლიდი,
გულს მიკუმშავდი...
ტანჯვის სამკაულს ჩემს თხელ მაჯაზე ისე მადებდი,

სათოვლიევი

ტყე საგსეა სათოვლიებით.
სიჩუმის ფეხქვეშ იმშუმნება
ყანისფერი, ნანისლი ნემო...
თოვლი კი არ ჩანს.
არც მოვა, ვეჭვობ.

დრო მოვა

თქვენი ნაცვარით განაკვერ
მთის ფერხითი ჩამოგიჯდებით.
გიოცებთ, ცქერა არა მღლის.
დახვალთ სამყაროს სიზმრები.

ხანაც ვთამამობთ, ვაშინებთ
მთას საიდუმლოს გამხელით.
ხან ექო დაგვდის ქარიშხლის,

სახვის ფურცლები

ზღაპრის კარიდან გამოსაგნებად
სახვის ფურცლებს ყრიდნენ ბილიკზე.
დევეთადედასაც პოულობდნენ,
თავს აღწევდნენ ურჩხულების საბრძანებელს



გაზაფხულს რომ არ ეგონოს...

ნუ გეგონება აღარ გელი,  
ველარ გამჩნევ,  
აღარ მალეღვებ.  
ველარც კი ვგრძნობ, ფეხაკრებით რომ შემოდისარ,  
რომ ჩამოვდები, იქ, სადაც თავი გეგულდებოდა.  
სადღაა ჩემი ჟრუანტელის საფრთხობელები...  
აღარსად დგანან მშიერ ჩიტების დასაფეთებლად.  
ხედავ, ატმებმაც ლამისაა ამოიყვავაონ უბეები,  
ყვავიან მსხლებიც, ალუბლებიც, ვაშლიც აყვავდა.  
მე ჯიბრით ტოტიც არ შემომაქვს სახლში წყალობად.  
ჭერმის ყვავილებს რა ხანია ქარებს ვატან  
გალავნების ამოსაკირად.  
აღბათ ვერც ხვდები, რომ ჩვევაში გადამეზარდე,  
მიხარისარ, მიხარისარ და ბაღის ნაცვლად  
ბაზრისაკენ მივეშურები,  
რომ ჭინჭარი და სატაცური მოვზიდო სახლში.  
ლარნაკის ნაცვლად ქვაბებს ვარჩევ,  
დავაპურო უნდა ჯალაბი.  
ეჰ, გაზაფხულო,  
რომ არ გეგონოს აღარ გელი, აღარ მიყვარხარ,  
ჩემს ფანჯარაში ნაცარქათამას სურნელს რომ იგრძნობ,  
მოდის ახლოს და შენებურად წაილიდინე,  
იქნებ როგორმე გამიტყუო ამწვანებული თვალებიდან.  
იქნებ, ზამთარსაც  
ყვავილოვან ხარაჩოებს რომ შემოაველებ,  
მეც მაიძულო, ნაგიკრა ხელი,  
ერთი დღე მაინც მივაშენო სიყვარულისა...



რა მდიდრები ვართ

რა მდიდრები ვართ,  
რამდენია სათენებელი,  
სამრთელბეელი,  
რამდენია საყვარებელი,  
საბრალბეელი,  
დამმართებელი,  
ამანთებელი,  
საოცებელიც რამდენია,  
საოცნებელიც,  
რა მდიდრები ვართ.  
ან სხვის თვალში ღატაკებად რაღატო ვჩანვართ?!  
მარტო სევდაზე იმდენი მაქვს თია-ნუჭრები,  
მარტო გულზე იმდენი მაქვს ტკივილის კოჭრი,  
და სინიდისის მშობლიური ლანდშაფტი ხომ  
სავსე არის ეროზიით,  
ნასახლარით,  
ნასაფლავარით...  
ღირსიც კი ვარ, მარტოობაში ჩამივარდეს თვალი,  
ჩამერღვეს...  
ღირსიც კი ვარ,  
ჩემ სახელზე ღრუბლის ფთილაც  
არა წვიმდეს ასამწვანებლად  
სულგაჩეხილ ხატის ტყეებში.  
არადა. მართლა რა მდიდრები ვართ,  
რამდენი გვაქვს საკეთებელი,  
საღმერთებელი,  
რამდენი გვაქვს საეჭვებელი...

ვინ დავაჯერო, რომ საყიდელიც არაფერია

რა არ ვიყიდე...  
სულ პირველად ბატიბუტის წითელი ბურთი,  
ყველაზე ტკბილი.  
ვეებერთელა ტომარაში ჩაყრილი და  
ჩვენს ქუჩაზე ატარებულ-ჩატარებულ.  
რა არ ვიყიდე...  
მეორედ ჯოხზე შესკუპული ტკბილი მამალო,  
ეგეც ჩვენს ლამაზ ქვაფენილზე  
ატარებულ-ჩატარებულ.  
ეს ქუჩა სავსე იყო თეთრი აკაციებით.  
ბატიბუტის და მამალოს ყიდვა თუ არ შემეძლო,  
ყვავილების სიტკბოც კმაროდა იმისათვის,  
რომ გაზაფხულს თავი მარტო არ ეგრძნო და  
ამყოლოდა სიხარულში, რომლის ყიდვაც  
არასოდეს დამჭირვებია.  
რა ნაყინი, რა საწებე, რა პლასტმასის თოჯინები,  
რა ქვაბები, რა ფანქრები, რა მაქმანები,  
რა მძივები, რა ბროშები, ფინიკის ხურმა,  
ინგირული რვეულები,  
შაქრის ბამბის ტკბილი აგური — იაღლიბუღლი...  
რა არ ვიყიდე,  
რა მზესუმზირა, რა დონალო,  
ღია ბარათებს თვლა არ ჰქონდა,  
წერილების ლამაზ კონვერტებს.  
გადავდიოდი ოცნებიდან ოცნებაში, რომ ერთხელაც  
გავიზრდებოდი, სადილო ფილმებს ვნახავდი და  
შეყვარებულს ვაკოცებდი,  
არც ობობები შემამინებდნენ  
და ვიყიდდი ნამდვილ მანქანას, ნამდვილ ჯინსებს,  
ნამდვილი ფულით ნამდვილ ბეჭედს ვიყიდდი და  
შვილთაშვილებს სამახსოვრდ დავუტოვებდი...  
რა არ ვიყიდე იმის მერე,  
რა ფული არ მეჭირა ხელში,  
სხვადასხვა გერბით, სახელით და ფერით შემკული,

რა არ ვიყიდე,  
ხუთი ტონა კარტოფილი, სტაფილო, ფქვილი,  
შვიდი ტონა მწვანილი და ბალახ-ბულახი,  
ტონა ლობიო, ტონა რძე და ტონა ზეთი, ტონაც მუხუდო,  
შპალიერი, ჯინსი, ქურთუკი, რა არ ვიყიდე,  
დიდი ქვაბი, დიდი ბალიში, თარო, კარადა,  
ჟურნალ-გაზეთი,  
ვიღას ახსოვს ქაფენილზე ატარებულ-ჩატარებულ  
მამალოები...  
ჭარხალი, ხახვი, ცხიმი, ფხვნილი, ტომატი, ვაშლი...  
კიდევ კარგი რომ ამ დროსავით არ იღევა ხელი საქმეში.  
აი, ბეჭედი კი, ვერ ვიყიდე...  
შვილთაშვილებს რა დავუტოვო,  
რით შევიმკო ცარიელი, დამჭკნარი ხელი,  
პირჯვრისწერას რომ ვერ აუღის...  
ვინ დავაჯერო,  
რომ საყიდელიც არაფერია...  
ან ის თეთრი აკაციები სადღა ვნახო,  
ტოტებზე ტკბილი მამალოებით  
ბატიბუტის მრგვალ პლანეტაზე ამოზრდილები...

მაპატიეთ

პატიებას გთხოვთ ყველაფრისათვის,  
ჩემო შიმშილო,  
სიღატაკე,  
უძღურება,  
გთხოვთ მაპატიოთ,  
რომ ვერასოდეს გაგამზეურეთ  
ღვთის სინათლეზე.  
ვერ შევძელი თქვენი ტარება  
სულის მჭვირვალე სამკაულივით.  
გთხოვთ მაპატიოთ,  
რომ ჯიბეში ვეძებდი ხურდას,  
ჯამში ლუკმას,  
სახლში სითბოს,  
კარადაში ლამაზ სამოსელს.  
გთხოვთ, მაპატიოთ,  
რომ ხელეღმარე ვეძებდი ძალას,  
ჰორიზონტზე მზიური კოშკის ქონგურს ვეძებდი,  
სახლს ვალაგებდი განუწყვეტლივ სტუმრის ლოდინში,  
და როცა ვიღაც მიკაკუნებდა,  
ვერასოდეს მივამსგავსე, ჩემო უფალო...  
შენც მომიტყევე, სიყვარულო,  
როგორ გტანჯე, როგორ განვალე,  
ერთხელაც ვერ გიშინაურე,  
სულ გაზაფხულზე რომ გელოდი,  
შენ კი ზამთრის თეთრი სიზმარი იყავი თურმე...  
გთხოვთ, მაპატიოთ, რომ დაგტანჯეთ, ოცნებებო,  
ძველ ტკივილების ერთგულებით,  
სევდით, შიშით და სიხარბით,  
რომ სიცოცხლე იმაზე მეტი მსურდა ყოველთვის,  
ვიდრე თავად ვიყავ ცოცხალი.  
გთხოვთ, მაპატიოთ, თქვენც, დღეებო, განუცდელებო,  
სულო, სიმშვიდის არტახებში ნანანავებო,  
გთხოვთ მაპატიოთ,  
რომ ვერ გაგკვეთეთ ჩემი სიცოცხლის ხმელა ყუათი,  
ცრემლიც ვერ გასვით.  
გულის ბუდიდან გადმოვარდნილო  
ამაოების მოშიშარო ნამის ბჟიტებო.  
წუთადაც რომ ვერ გაქციეთ,  
არამც თუ დროდ, არამც თუ ჟამად!

დაფარვა

თოვს.  
ფარავს მიწას, ცას, მდინარეს,  
ეზოების მოზაიკით ნახატ სამშობლოს,  
ფარავს საფლავებს —  
ამ სამშობლოს საოჯახო ალბომების  
ქვაზე ნაკვეთ სანიშნების უთვალავ წყებას,  
ფარავს დაფლეთილ სიცარიელით დაკემსილ ტყეებს,  
ფარავს სიბუბს და ნასოფლარებს,  
ფარავს ფირნიშებს, ბანერებს და  
პლაკატების უაზრო ზუზუნს,  
ფარავს სიხშირეს სივრცეებში მიმოფანტულებს,  
ფარავს ბუდეებს — გაზაფხულის ნანერ წერილებს,  
ფარავს შავიდან გამოუხსნელ  
სიფერადეს ჩვენი სამოსის,  
ფარავს რუხ-რუხ ბაზრობებში  
ნარინჯისფრის გაუგებრობას,  
და უხარია, უხარია თავისი თავი,  
როგორც პირველი კბილის დაჭერა —  
პირველი ძალა და დასტური დედის ჯობნისა.  
ასეთია ახლა ეს თოვლი.  
თითქოს ელის, როდის ვიკვილებთ  
სიხარულს და ტკივილს თანაბრად,  
როდის მივუშვებთ გასაზრდელად და  
ყვავილებად როდის იქცევა,  
რომ სითეთრეში ჩაყურსულ ფერებს ისევ დაერქვას  
თავის დაღწევა სიჩვილიდან და სიკვდილიდან,  
სანამ ისევ დავიფარებით...

ბაბუნაწერას სამყარო

დილიდანვე  
სულს ვუბერავ ირგვლივ ყველაფერს.  
სულისბერვით დაიწყო ღმერთმაც:  
ჯერ გრძელ ღამეს უბერა სული და  
სიბნელე გააცალა.  
მერე დილასაც უბერეს სული,  
მდუმარება გააცალა  
და გამორჩენენ ჩიტები...  
და სულისმბერველიც გაბევრდა.  
გაზაფხულს უბერეს სული და  
სიმწვანე გააცალეს.  
ზაფხულსაც უბერეს სული და  
მწიფე თაველები გააცალეს.  
შემოდგომასაც უბერეს სული,  
ნაყოფი გააცალეს.  
ტყეებს უბერეს სული,  
ფოთლები გააცალეს.  
მეც მიბერეს სული,  
სიტყვები გამაცალეს,  
წლები გამაცალეს,  
თმის ბულულიც კი...  
ჩემს დროს ნამები გააცალეს,  
ჩემს სივრცეს ფრთები...  
რამდენი რამე გაგვაცალეს,  
რამდენი ვინმე.  
აღარ ჩამოვთვლი,  
რამდენი რამე გააცალეს ჩემს სამშობლოსაც  
სულის ბერვით, სულის ამოხდით...  
ბაბუნაწერა, მასწავლე, აბა,  
ასე განძარცულს, ასე მიშველს  
არ შემრცხვეს ღმერთის?  
და მეუბნება ბაბუნაწერაც:  
უკანვე მოხვალ მაგ სულის ბერვით,  
ნუ გეშინია...



ყაროს მოთვინიერება უფრო იოლია, ვიდრე ხაშურისა და მაყვალამ შეძლო, ამ პატარა, ყრუ და პირქუშ ქალაქში თავისი ნილი პოეზია აეყვავებინა...

მაყვალას პატარა ბინაში თითქმის მთელი ხაშურის ინტელიგენცია იკრიბება. არავის უღბინს, ისეთი დროა, მაგრამ ადამიანებს ერთმანეთის ნახვა და ერთმანეთთან ყოფნა ჯერ კიდევ უხარიათ. მაყვალასთან თითქმის განუყრელად არის მზია მალაღდაძე — ხაშურელი პოეტი და მხატვარი.

არ ვიცი, რომლის იდეაა, მე მგონი, უფრო მზია მალაღდაძისა, მაგრამ ერთხანს ეს ჯგუფი სპირიტუალიზმში „გაიტაცა“: თევზს ატრიალებენ და არიან ერთ ამბავში... მეც, ჩემი მეოცნებე ნატურის გამო, მსგავსი ამბები ძალიან მაინტერესებს და არცერთ „თევზის ტრიალს“ არ ვაკლდე, თან გულწრფელად რომ გითხრა, ამ ყველაფრისა ძალიან მეშინია. მაგრამ როგორ გინდა ცდუნებას გაუძლო, როცა მზია მალაღდაძე ჩაბნელებულ ოთახში, არ მეტი არც ნაკლები, ილია ჭავჭავაძის სულს გამოიძახებს და იდუმალი ხმით ჰკითხავს: რომლის გათავისუფლებდა ჩვენი ტანჯული ქვეყანა დამპყრობლების მარნუხებისაგან?

უცებ ტორტმანით დაიძვრება სანთლით გახურებული ლამბაქი, ჯერ მ-სთან მივა, მერე ა-სთან, მერე ლ-სთან და ბოლოს ე-საც რომ მიადგება, მთელი ეს სპირიტუალური საზოგადოება შვებით ამოისუნთქავს: „მალე!“

მართალია, ყველას ერთმანეთზე ეპარება ეჭვი, რომ თევზს სწორედ ის, სხვა ატრიალებს, მაგრამ საბოლოო სიხარული იმდენად დიდია, რომ ყოველგვარ ეჭვს აქარწყლებს: ჩვენ დიდი ილიას სული დაგველაპარაკა და გვითხრა, რომ მალე გავთავისუფლებით.

ხოლო იქ მყოფთაგან მე მაინც იმითი განვსხვავდები, რომ სხვების გარდა, ჩემს თავში უფრო მეპარება ეჭვი. დღესაც არა ვარ დარწმუნებული: იქნება იმდენად ვიყავი მონუსხული იდეით, რომ ლამბაქს იმ წუთას საჭირო ასოებისაკენ სწორედ მე ვწვდები...

ფაქტი ის არის, რომ მეც მათთან ერთად გახლდით ჩართული ამ ყოველად მისტიკურ საქმიანობაში, რომელსაც აგდებითა და იუმორით მხოლოდ გოგი გოგოლაძე და თამაზ ლაცაბიძე უყურებდნენ.

გოგი ამ ყველაფერს, საერთოდ, კომენტარის ღირსდაც არ მიიჩნევს, თამაზ ლაცაბიძე — ხაშურის მხარეთცოდნეობის დირექტორი — კი ირონიულად გვეკითხება საქმის დეტალებზე. რაიო, მერე ილია მალაღდაძემ? — იკითხავს და ეშმაკურად აპაჭუნებს თვალებს...

ერთხელ, თევზმა, როცა საქართველოს ბედისწერის გამო ამჯერად სულხან-საბას სული შევანუხეთ, ჩვენთვის ყველასათვის გაურკვეველი სიტყვა „მთოემა“ დაგვიწერა. ვკითხეთ, ეს რას ნიშნავს და სულხან საბასავე ლექსიკონის სტილით აგვიხსნა: „ესე არს ოცნებაი სანუკველი, მალე ახდენილი“....

მოკლედ, ჩვენს სიხარულს საზღვარი არ ჰქონდა და მე, ეთერ ტაბატაძე და დათო ნიქარიშვილი ერთმანეთს გადავხვით... ხოლო „მთოემა“ ჩვენი კოდური სიტყვა გახდა მამულის თავისუფლებისათვის იმპერიულ ელემენტებთან უთანასწორო ბრძოლაში...

თამაზი კი ისევ იცინოდა: რაიო,რაიო, სულხან საბა მალაღდაძემ?

თამაზ ლაცაბიძე, მართალია, სპირიტუალიზმისაგან შორს დგას და ამდენად, ჩემთვის ისეთი საინტერესო არ არის, როგორც ვთქვით, მზია მალაღდაძე ან ეთერი ტაბატაძე, მაგრამ ცუდი ადამიანი ნამდვილად არ ეთქმის. ჩვენ შორის ყველაზე მყარად დაგას მინაზე, მაგრამ თევზის ტრიალისა არ იყოს, თითო ახირება ყველასა აქვს და მისი გატაცება იმხანად მომრავლებული ჟურნალ-გაზეთების შეგროვება და აკინძვაა.

პარალელურად, დიდი რუდუნებით იკვლევს ხაშურის რაიონის ისტორიას და დიმიტრი ყიფიანის ცხოვრებასა და მოღვაწეობას. „სპირიტუალისტებს“ ალბათ ყველას სულის გამოძახებას ვგაპატიებს, დიმიტრი ყიფიანის სულის შეწუხების გარდა. უცოლოა და ხაშურელი ლამაზმანები მისთვის დნებიან, ის კი ხაშურის ისტორიულ წარსულზე შეყვარებული და ახლანდელიც მხოლოდ იმიტომ აინტერესებს, რომ არის პერსექტივა — მომავალში ისიც

წარსულად იქცეს...

ჩემს დას ხანდახან თბილისში საბუნებრივ ანგარიშები აქვს ჩასატანი და ამიტომ, ჩემს თავს, როგორც ყველაზე სანდო ადამიანს, სწორედ თამაზ ლაცაბიძეს აბარებ: ცუდ ასაკშია, მაინც ყურადღებით იყავით, არაფერი დააშავოსო.

თამაზიც, შესვენებაზე გამოიქცევა და მამონებს, სკოლაში ვარ თუ არა და ისეთს ხომ არაფერს ვაფუჭებ, — მაგალითად, სიგარეტს ხომ არ ვწვნივ.

ამის შემონების მეტად ორიგინალური მეთოდი აქვს. სკოლის უკან გამიხმობს და მითხრავს: რაღაც, პაპიროსი ვერ ვიყიდე და შენ ხო არა გაქვს, ერთი ღერი რომ მომანევიო! ჰოდა, მეც აბა, თამაზს სიგარეტით გამასპინძლებაზე უარს ხომ არ ვეტყვი...

ხანდახან, გაკვეთილების შემდეგ მუზეუმში აყვავარ და იქ ერთად ვსადილობთ.

\*\*\*

ბიძაჩემი მეძახის, გივი ძია, სინამდვილეში მამას ბიძაშვილია, მაგრამ რაკილა ერთმანეთსთან ახლოს ცხოვრობდნენ, ამათ უფრო უყვარდათ, მგონი, ძმებზე ერთმანეთი. ახლაც ჩემი მშობლების სიკვდილის შემდეგ სულ გივი ძია და ნათელა ძალი ირჯებიან. დღე ერთია და ათჯერ მეძახიან. ხან ნათელა შემოვა და შემოიტანს თავის გამომცხვარ უგემრიელეს ნაზუქებსა და შოთის პურებს, ხან გივი ძია შემოაბოტებს, როგორ ხარო, დამხედავს. სულ მამაჩემზე მელაპარაკება. ათჯერ მაინცა მაქვს მოსმენილი, როგორ გააბრიყვა ორი კაცი „ვილაც ციგნის ქალმა“.

სოფელში ბოშები მოსულან. მამაჩემისათვის ოქროს ბეჭდები შეუძლევიათ იაფად. იაფობაზეც ფული სახლში არ აღმოსჩენია, დაუძახია გივი ძიასათვის: „პატიოსანი ქალი ჩანს, თურმე უჭირს და იაფად უნდა გაყიდოს ამისთანა ოქროსული. მოდი, ხელიდან ნუ გაუშვებო... გივისაც გამოუტანია სამი თვის დანაზოგა სამასი მანეთი, ჩაუთვლია „ციგნის ქალისათვის“ ყალბ ოქროსი და ვენახიდან შინ მობრუნებული ნათელა ძალი-სათვის უხარებია: ნახე, ინგუშამ რა პატივი მცა, რა იაფად მაყიდინა ამდენი განძიო!“ ნათელა გაგიჟებულა: „ის ციგნის ქალი გზაზე შემხვდა და განა არა! — გამიკვირდა, რას გარბის ასეთი ფართხაფურთხით, თან უკან-უკან რას იხედება-მეთქი და, თურმე ჩემი ოჯახი არ დაუქცევია! მოვიდეს აქა ლილი, მაგ ინგუშამ აჩვენებს სეირსაო!“

ინგუშა მამაჩემია. სინამდვილეში ილო ჰქვია, მაგრამ რაჭველი პაპის, ერასტისა, შერქმეული საალერსო სახელი მთელი ცხოვრება შერჩა. ის კი არა, ჩემი დებიდან ზოგი დაბადების მონომბამაც კი ინგუშას ასულად წერია...

მამა ვის არ უყვარს, მაგრამ მართლა იშვიათად შეხვდებოდათ ასეთი კეთილშობილი ადამიანი. საერთოდ, არ მახსოვს მისი ხმამალალი სიტყვა. იჯდა თავისთვის, საქმიანობდა და უხაროდა და უყვარდა ყველა და ყველაფერი...

„რა მოხდა მერე, კაცო!“ — ჩიალაპარაკებდა ხოლმე თავისთვის, როცა ვილაცაზე გაგულისებულები რამეს მოუყვებოდნენ. ძალიან მალალი იყო და შინისაკენ მომავალს, სახლიდან რომ გავხედავდი, შორიდანვე დავინახავდი ხოლმე.

დედაჩემი, ლილი, კი მისი სრული ანტიპოდი: ტანმორჩილი, მკვირცხლი, სიხალისითა და სიცოცხლის სიყვარულით სავსე.

ინგუშას ფლეგმატური ბუნების ფონზე ის ნამდვილი მეხია და ვაი იმას, ვისაც თავს დაატყდება. ქართული ენის თითქმის დამშრალი ნაკადულები ლილის ზაგუებთან უშრეტი ჩქეფით მოედინებოდა. ის ნამდვილი სიტყვის ოსტატია და ამ ოსტატობას მოფერებისასაც და ბრაზისასაც შესაბამისად იყენებს.

ახლაც ტყუილად კი არა დაიმუქრა ნათელა ძალიმ, მოვიდეს ჯერა ლილიო!

მართალია, მამაჩემთან, ძირითადად, სიყვარულით განიარაღებულია ხოლმე, მაგრამ ასეთ შემთხვევაში სიტყვას მაინც გადაუშხივებებს.

ჰოდა, ნათელა იხსენებდა: „მოვიდა მეურნეობიდანა ლილი, მოუყუევი ეს ამბავი, აი, ასე დამაქცია შენმა ქმარმა-მეთქი და იმანა კიდევ, განა ჩემი ოქროები იწუხა, ასე მითხრა: რა ვუყო, ქალო, მარტო ინგუშას შეიძლება ეგონოს ციგნის ქალი პატიოსანიო!“

აბა, მაშინ კი გაიგიჟა ლილიმ თავი, გივიმ

და ინგუშამ თქვენი საბძელი რომ გადაწვსო.

ეგ როგორ იყო-მეთქი.

მე არ მახსოვს ეგ ამბავი და ნათელა ძალი სულ კეთილი ღიმილით მირაკრავებს:

„ტრუბა ეგდო აქა, ჩვენ სახლთანა. გივისა ვირთხა შეუმწყდევია შიგა. ჰოდა, ვისთვის უნა დაეძახა. მოუხმია ინგუშა. რა ვქნათო და არ ვიცი, რომელმა მოიფიქრა, მაგრამ უთქვიათ: მოდი, ვირთხასა ცეცხლი მიუწვთოთო! განა პატარები არიან — დაოჯახებულები არიან, მარა ჭკუა მაინც არცერთს არა აქ თავში. ჰოდა, ამოუგლეციათ ტრუბის ცალი პირი, დაუსველებიათ ჩვარი, მიუწვითათ ცეცხლი და მიუკიდებიათ ვირთხისთინა. იმასაცა უწივლია და რო განწარებულა, გაუნგრეცია ტრუბის ამოლესილი პირი, უდურთია თავი და შევარდნილა პირდაპირ თქვენ საბძელში.“

ავგისტოს შუაა და ბზე გვაქ ყველას ახალი დაბინავებული. რო მოედო ამ თქვენ საბძელსა ცეცხლი, ვეღარავინ ვერაფერი გაანყო. ხუთ წუთში დაინვა. საბძელს ვილა ჩიოდა, გული გვისკდებოდა, სახლზე არ გადავიდეთო.

ლილიც გამწარდა, მარა ბზეს და საბძელს კი არ ჩიოდა, მთელი სოფელი იმას იძახდა: გიჟია ეს ქალი, ქმარს ეუბნებოდა: ვირთხა არ შეგეცოდათ, მხეცები ხომ არ იყავით? ცეცხლი როგორ წაუკიდეთო?!

უი, მოისპოს ამისი თავიო! — გადახედავს გივი ძიას, — ეს არი, რაც არი, თორე მამაშენი მაგას როგორ გააკეთებდაო...

ნათელა და გივი, ძირითადად, სულ ერთად დადიან. ამიტომ მინიშნებლობა არა აქვს, რომელი შემოვა პირველად ეზოში, მალე იქვე მეორეც გაჩნდება, თითქოს გვერდზე სოკოსავით ამოეზარდაო.

გივიმ იცის ყველაზე მყარად გინება მთელ სოფელში და თავის ცოდნას უმთავრესად ნათელას უზიარებს ორშაურად, მაგრამ უერთმანეთოდ მაინც ვერ ძლებენ და ნათელა ძალისაგან ისე აქვს გივის გინებაზე ყური მიჩვეული, რომ მგონი, თავისი ქმარი დავით მეფსალამუნე ჰგონია.

მე კი რა მოგახსენოთ.. რადგან ჩვენს ეზოებს მხოლოდ ერთი ორლობე — „ვანოს გზა“ ჰყოფს, გივის გინება მესმის 24 საათი და ვერ გეტყვით, რომ ძალიან მსიამოვნებს...

\*\*\*

ხინცა ჩვენში, როგორც სოფელში ამბობენ, ყველაზე „ეშმაკია“, ანუ ყველაზე გონიერია და მოხერხებული, მე საერთოდ გულუბრყვილო ვარ და ამიტომ, ბავშვობაში ძალიან იოლად მარბიყვებდნენ.

წყალი დღემდე მიყვარს, მაშინ ხომ მდინარეზე ვგიჟდებოდი და დათბებოდა თუ არა, ფრონიდან ვეღარავინ ამოვყავდი.

ერთხელ, სწორედ ამ ხინცას ნაქეზე-ბით, თებერვალში ტანსაცმლიანად ვიბანავე მდინარეში. რაღაცნაირად თბილი თებერვალი კი იდგა, მაგრამ ხაშურის პირობებში ხომ წარმოგიდგენიათ, მაინც რა სიცივე იქნებოდა. უბრალოდ მზემ დააჭიატა ერთ დღეს და ჩვენც მდინარეზე ჩასულმა მეორე თუ მესამეკლასელებმა გადავწყვიტეთ, ბარემ აქ ვართ და ვიბანავთო კიდევცაო.

სხვებმა ტანთ გაიხადეს, მე კი, არ ვიცი, ჩავვარდი თუ ვეღარ მოვითმინე და წყალში ტანსაცმლიანად გადავეცი. კარგა ხანს ვიყურებოდი, მაგრამ ეტყობა წყლის სუსხმა მომარფხიზლა და ნაპირზე რომ ამოვედი, პირველი ის გავიფიქრე, სახლში მომკლავენ-მეთქი. ტანსაცმელი გავიხადე, გავწურე და ასკილის ტოტებზე მივაფინე. თვითონ კი რიყზე ჩამოვჯექი და ჩემი ჭკუით, სველი სვიტრისა და შარვის გამოშრობას ველოდი. ბედად, რომელიღაცა მეზობელს დავეხახე, ჩვენთან ასულიყო და ჩემი დებიდან უმცროსი დისთვის, ირმასათვის, რომელიც იმ წუთას შინ დახვედროდა, ეთქვა: შენი ძმა რიყზე ტინტრიკელა გდია და ტანსაცმელი იშრობსო. ჩემი და მაშინვე გამოქცეულიყო და თვალის შორიდანვე მოეკარი, რიყზე ჩამოქანებულმა, როგორ შეატყნა იქ ამოსულ ტირიფებს ნკეპლის რამდენიმე ტოტი.

აბა, ნკეპლა ეგრე არ უნდაო, ტანსაცმელი მივატოვე და სოფლის შარაზე გავი-

ჭერი. წინ მე მივრბივარ და უკან ჩემი და მომდევს ნკეპლის ქნევით. მთელი სოფელი შემოვარბინენ, სანამ საბოლოოდ ქანცი თვითონვე არ გამიწყდა და სახლში არ შევევარდი.

დღემდე მახსოვს, იმ ბავშვური სირცხვილის გრძნობა: როგორ გავრბოდი სოფლის გზაზე სრულიად შიშველი და არა თუ მახსოვს, ეს ამბავი ზოგჯერ ახლაც კი მესიზმრება.

საერთოდ, ძალზე სუსტი ბავშვი ვიყავი და ხშირად ავადმყოფობდი, მაგრამ მაშინ, ჩემებს რომ ეგონათ, ფილტვების ანთებას ვერ გადაურჩებო, არაფერი დამმართნია. შეიძლება იმის გამო, რომ სოფლის გზაზე სირბილმა გამახურა და სირცხვილი კი ვჭამე, მაგრამ სნებას გადავურჩი.

ბავშვობაში ჩემი დებიდან ყველაზე სიღრმისეული შინაგანი კავშირი, სწორედ ამ მეხუთე დასთან, ირმასთან მქონდა. მაშინ ძალიან დიდი მეჩვენებოდა, სინამდვილეში კი 7 წლით უფროსია ჩემზე და მიუხედავად, ზემოაღწერილის მსგავსი, პერიოდული სადამსჯელო ოპერაციებისა, ჩვენ მაინც ყველაზე კარგად გვესმოდა ერთმანეთის.

გარდა ამისა, ირმა ერთადერთი იყო ჩემი დებიდან, ვინც ბავშვობაში არაჩვეულებრივ ლექსებს წერდა და ეტყობა, პოეზიის სიყვარულიც გვაერთიანებდა, რომელსაც მაშინ, რასაკვირველია, ვერ ვაცნობიერებდი.

ამას გარდა, სწორედ ირმასგან ვიცოდი ბევრი რამ, რასაც უფროსები საგულდაგულოდ მიმალავდნენ. მაგალითად, იმას, როგორ სრულიად ალაღებდებე ვიყავი გაჩენილი.

საქმე ისაა, რომ დედაჩემი ჩემზე 41 წლის ასაკში დაფხმძიმდა. ეს ახლაც და მითუმეტეს მაშინ, სოფელში დიდ სირცხვილად ითვლებოდა. ამიტომ დიდხანს მალეს ეს ამბავი და ბოლოს, დედამ ხაშურში წასვლა და მეუღლის მოშორება გადაწყვიტა. გამოუნყო თურმე ერთ დღესაც და ის იყო შინიდან გასვლას აპირებდა, რომ ჭიშკარს ზედა უბანში მცხოვრები ქალი, ოლიკა ქადაგი მოსდგომია.

ოლიკა ქადაგი მე არ მახსოვს, ამიტომ, ძირითადად, ირმას გადმოცემით ვიცი, როგორი იყო. ჯერ ალბათ ის უნდა ითქვას, რას ნიშნავს ამ კონტექსტში „ქადაგი“.

ჩემს ბავშვობაში სოფელში ცხოვრობდა რამდენიმე ქალი, რომლებიც ამტკიცებდნენ, რომ წმინდა გიორგიმ ან რომელიმე სალოცავმა აირჩია მსახურებად და თანასოფლებლებს ამ სალოცავთან ნება-სურვილს ამცნობდნენ.

ეს მოხუცებულიც სწორედ ასეთი ქადაგი ყოფილა, ატოცის წმინდა გიორგის რჩეული და ხელდასხმული.

ირმასგან ვიცოდი, რომ ისე ჩვეულებრივი არაფრით გამორჩეული ქალი იყო, მაგრამ როცა წმინდა გიორგი ალაპარაკებდა, სულ სხვანაირი ხდებოდა: ხმა ეცვლებოდა და სახე უნათებოდაო.

ჰოდა, დაუძახია ოლიკას ჭიშკრის იქიდან თავისი ხმით, მაგრამ ეზოში შემოსულა თუ არა, ქადაგად დავერდნილა და დედაჩემისათვის უთქვამს: მე წმინდა გიორგი ვლაპარაკობ! ახლა ორსულადა ხარ, აპირებ, მუცელი მოიშორო, მაგრამ ეგ არ ქნა, თორემ დაისჯები! ბიჭი გეყოლება და ჩემს სახელს დაარქმევო.

დედას ძალიან შეშინებია, რადგან მისი ფხმძიმობის ამბავი მამაჩემის გარდა არავის სცოდნია, და ოლიკა ქადაგის სიტყვები უზენაეს ჭეშმარიტებად მიუღია. უკვე გამოწყობილი, ხაშურში კი წასულა, მაგრამ ექიმის მაგივრად, მამიდაჩემს მიდგომია და ყველაფერი უამბნია. თამარა მამიდას უთქვამს: აბა, რა სისულელე დაგიპირებია. გააჩინე ეგ ბავშვი და თუ კიდევ გოგო გეყოლება, მე წამოვიყვანო!

ან გოგოს ვინ გამოატანდა, მაგრამ დედა უკან დაიმედებული მობრუნებულია.

ეს ამბავი რომ დაიჯერო, საკუთარი გამორჩეულობა უნდა ირწმუნო. აქედან ფსიქიატრიულ საავადმყოფომდე კი ერთი ნაბიჯია. ამას ახლა ვაცნობიერებ, მაგრამ კარგი ის იყო, რომ გადმოვიცემის მისტიკურ მხარეს ბავშვობიდანვე დეტანტრიულად ვუყურებდი და ყველაფერი, თუ მთლიანად ირმას ფანტაზიის ნაყოფად არა, მის მიერ ხატოვანი აღწერით გამკვეთრებულად მაინც მიმჩნდა. შეიძლება იმ-იტომ, რომ ოლიკა ქადაგი ჩემს მოჩივრებზე გარდაცვლილიყო და აღარ მახსოვდა.

პირასბიძე ვერ ვისწავლეთ (ეს მხოლოდ ჩვენი ნაკლი არ გახლავთ, ამ მხრივ სხვა ერებიც სცოდნენ) ღირსეულ მოღვაწეთა სიცოცხლეში დაფასება. ამაზე ჯერ კიდევ აკაკი წერეთელი წუხდა, ლექსად და პუბლიცისტურ წერილებში გამოთქვამდა თავის საყვედურს. ის კი არა, ზოგჯერ გარდაცვალების მერეც ვერ მივაგებთ შესაფერის პატივს გამოჩენილ, საამაყო ადამიანებს. ასე რომ არ იყოს, სამი წლის წინ მთელ საქართველოს უნდა აღენიშნა დიდი სწავლულისა და მწერლის, ჩვენი საუკეთესო ლექსმცოდნისა და ლიტერატურის ისტორიკოსის აკაკი განწერელის დაბადების ასი წლისთავი, მაგრამ რატომღაც ეს ძალზე მნიშვნელოვანი თარიღი უყურადღებოდ დავგვიწყრია.

აკაკი სწორედ აკაკი წერეთლის თაყვანისცემის გამო დაარქვეს მისმა მშობლებმა და ისიც ბავშვობიდანვე ცდილობდა თავისი გენიალური სენიის სახელი გაემართლებინა. აკაკის იგი ყველაზე ეროვნულ პოეტად, სიმღერებად ქცეული მელოდიური ლექსების მეფედ თვლიდა და ერთგან კიდევაც დანერა — ახალდაბადებულ ქართველს სამზეოზე აკაკის „ივანანათი“ ეგებებიან და ბოლოს, როცა გარდაიცვლება, სამუდამო განსასვენებელში მისივე „თაო ჩემოთი“ მიაცილებენო.

სამსახურიდან დაბრუნებისა და დასვენების შემდეგ, აკაკი განწერელია სიხარულით ეგებებოდა მეგობრებსა და ახლობლებს, ვისთანაც სულიერ ნათესაობას გრძნობდა. ბევრ ვინმეს შეეხვედრივარ მის დიდებულ ოჯახში. იქ ნახულობდნენ სიმყუდროვეს, ნანატრ გარემოს გურამ ასათიანი, თამაზ ჩხენკელი, ნოდარ ალაზნია, მერაბ მამარდაშვილი, როლანდ ბერიძე, გურამ ბარნოვი, გივი ლომიძე, მანანა გიგინეიშვილი, რეზო კვესელავა, ანზორ სალუქვაძე, ზურაბ კიკნაძე, ბაჩანა ბრეგვაძე, გრივერ ფარულავა, რევაზ სირაძე, ვახტანგ როდონია, გურამ ბენაშვილი, თეიმურაზ დოიაშვილი, თემურ ქორიძე, თამაზ ვასაძე, იოსებ ჭუმბურიძე... სხვები და სხვები. გვიან ლამემდე გრძელდებოდა ეს სერობები, რომლის შუაგულში მუდამ ჩვენი კეთილი მასპინძელი იმყოფებოდა.

უაღრესად ფართო იყო ნიადაგ მაძიებელი აკაკი განწერელის თვალსაზრისი. იგი თანაბარი გატაცებითა და სიძლიერით წერდა, როგორც ვერსიფიკაციის ურთულეს საკითხებზე, ასევე ცალკეული დიდი მწერლების განუყოფელ მხატვრულ ოსტატობაზე.

მისმა ფუძემდებლურმა მონოგრაფიამ „ქართული კლასიკური ლექსი (VII—XVIII სს.)“ მთელი ეპოქა შექმნა ქართულ ლექსმცოდნეობაში. ამ ნიგნზე მეცნიერთა არაერთი თაობა აღიზარდა და დღესაც სახელმძღვანელოდ ითვლება.

არასოდეს დამავიწყდება მასთან გატარებული საღამოები, ცოცხალი საუბრები. მახსოვს, როგორი ალტაცებით ლაპარაკობდა იური ტინიანოვის თეორიულ ნაშრომებზე. მისი „სალექსო მეტყველების პრობლემები“ ევროპაში „ლექსმცოდნეობის სახარებად“ ითვლებოდა, მითხრა. ოსტატობის მაგალითად თვლიდა ტინიანოვის ისტორიულ რომანებს — „კუხილას“, „ვაზირ მუსტარის სიკვდილს“, „პუშკინს“, იხსენებდა მასთან შეხვედრებს. სინანულს გამოთქვამდა, ასეთი უნიჭიერესი ლიტერატორი მოურჩენელმა დააჯადებამ, გაფანტულმა სკელროზმა ნაადრევად იმსხვერპლაო.

ოცდაათიან წლებში თბილისში ჩამოსული ტინიანოვი მიხილ ჯავახიშვილსა და აკაკი განწერელის დაუპატიჟინათ. ბატონი აკაკი მომიყვანა, საზაფხულო რესტორნის ბაღში როგორ სულგანაბული უგადებდა იგი ყურს ტინიანოვისა და ჯავახიშვილის მსჯელობას ისტორიული თემისადმი მიდგომაზე; ისიც აღნიშნა, ორი დიდი მწერლის თვალსაზრისი, უმეტეს შემთხვევაში, ერთმანეთს ემთხვეოდაო...

მეცნიერის, შემოქმედისა და ადამიანის იდეალად აკაკი განწერელია თავის დაუვიწყარ მასწავლებელს, ოცდაჩვიდმეტ წელს ჯალათების მიერ სადისტორად ნანამებ და დახვრეტილ, ანტიკური ლიტერატურის უდიდეს მცოდნესა და უბადლო მთარგმნელს გრიგოლ ფილიპონის ძე წერეთელს თვლიდა და სიცოცხლის ბოლომდე მის სახელს ფიცულობდა.

აკაკი განწერელის ვუმადლი, რომ მის ოჯახში 1980 წლის ზაფხულში გავიცანი ცნობილი დისიდენტი, ძალზე საინტერესო აზროვნების რუსი პოეტი, ბრწყინვალე ეს-

ისტი, პოლ ვალერიის უღრმესი ესეებისა და ფრანგული პოეზიის მთარგმნელი ვადიმ კოზოვოი. მისმა უმაღლესი პროფესიონალიზმით შესრულებულმა თარგმანებმა, ვიქტორ ჰიუგოდან მოყოლებული და ანრი მიშოთი დამთავრებული, საუცხოო ანთოლოგია შეადგინა (2001), რომელსაც ძალზე მომთხოვნმა ბორის დუბინმა მოწონების გამოხატველი უაღრესად ფასეული წინასიტყვაობა წაუძღვარა. ვადიმ კოზოვოი ბორის პასტერნაკის ინტიმური მეგობრის, ოლგა ივინსკაიას ქალიშვილის, ასევე საუკეთესო ლიტერატორის ირინა ემელიანოვას მუდამ იყო. მათ მორდოვიაში, გადასახლების დროს გაიცნეს ერთმანეთი და მალე, გათავისუფლების მერე, დაქორწინდნენ.

ბევრი რამ მოუყოლია ჩემთვის აკაკი განწერელიას. ქართველი სიმბოლისტიბიდან ყველაზე მეტად ტიცინ ტაბიძესთან იყო დაახლოებული. სინანულით მითხრა: არ მეყო გამბედაობა, არადა, ამის გაკეთება შემეძლო — ტიცინიან როგორმე ჩიქნეთში გადამეყვანა და იქ საიმედო ხალხის, ჩემი მეგობრების ხელში დამეტოვებინა, დახვრეტას გადაარჩებოდაო. ძნელია თქმა,

**ემზარ კვიციანი**

**ვიბონებ, როგორც ცოცხალს**

**ზოგი რამ აკაკი განწერელის პიროვნებასა და ღვაწლზე**

რამდენად რეალური იქნებოდა ამის განხორციელება.

აკაკი განწერელის მჭიდრო, მეგობრული ურთიერთობა ჰქონდა უცხოელ ქართველოლოგებთან. მის სტუმართმოყვარე ოჯახში გავიცანი საუკეთესო ბელგიელი მეცნიერი ძველი ქართული მწერლობის საფუძვლიანი მცოდნე მიშელ ვან ესბროკი (სამწუხაროდ, ნაადრევად გარდაიცვალა). ბატონი აკაკი ალტაცებით ამბობდა — ნამდვილი, ყოველმხრივ სრულყოფილი ევროპელი ასე წარმომედგინაო. მე მას რამდენიმე იშვიათი ნიგნი ვაჩუქე, ძალიან გაეხარდა. საუცხოოდ უკრავდა ფორტეპიანოზე, დიდი სიამოვნებით ვუსმენდით. სასულიერო პირი იყო.

საქართველოში ჩამოსვლისას ბატონ აკაკის ყოველთვის ნახულობდა ჩვენი უერთგულესი მეგობარი, გამოჩენილი მეცნიერი, პოეტი და მთარგმნელი, ვენეციის უნივერსიტეტის პროფესორი, არაერთი ქართველოლოგის აღმზრდელი — ლუიჯი მაგარატო, ვინც დიდი ამაგი დასდო ქართულ ლიტერატურას და ახლაც ნაყოფიერად ემსახურება ქართული მწერლობის, კულტურის, ხელოვნების ღირსეულად წარმოჩენას.

გეორგიე ტიქოძის დარად, აკაკი განწერელია მსოფლიო ლიტერატურის ჩინებული მცოდნე იყო და ეს მხოლოდ ათეული წლების მანძილზე ნაკითხულ ლექციებში როდი აისახებოდა. მის წერილებს სტენდალზე, კნუტ ჰამსუნზე, ტოლსტოიზე, დოსტოვესკიზე, ჩეხოვზე, ანდრე ბელიზე, ტინიანოვზე, ჰემინგუეისზე და სხვებზე, რომელიც გნებავთ ქვეყნის გამოჩენილი ლიტერატორი მოაწერდა ხელს.

განუზომელი ამაგი დასდო ქართულ მწერლობას. უმნიშვნელოვანესი, აზროვნების სიფართოვითა და სიხილით გამორჩეული გამოკვლევები თეიმურაზ პირველის, სულხან — საბა ორბელიანის, დავით გურამიშვილის, ბესიკის, გრიგოლ ორბელიანის, ნიკოლოზ ბარათაშვილის, ილია ჭავჭავაძის, ვაჟა-ფშაველას, დავით კლდიაშვილის, გალაკტიონ ტაბიძის და სხვათა შემოქმედებაზე, სამუდამოდ დარჩება მეცნიერული კეთილსინდისიერებისა და დახვეწილი გემოვნების მაგალითებად. ფრიად დასანანია, რომ აკაკი განწერელის საუკეთესო წერილები და ესეები აქამდე არ არის თარგმნილი რუსულ და ევროპულ ენებზე. ეს უთუოდ აამალებდა, ღირსებას შემეტება ჩვენ კულტურას, რომელსაც უცხოეთში ნაკლებად იცნობენ.

ოცდახუთი წელი შეაღია აკაკი განწერელის უმნიშვნელოვანესი მონოგრაფიის წერას ნეტარ ავგუსტინეზე (ცალკეული თავი კიდევაც გამოქვეყნდა), მაგრამ თავით ეს ნაშრომი, რომლითაც ამაყობდა ავტორი და თავისი მეცნიერული მოღვაწეობის გვირგვინად მიაჩნდა, გაურკვეველ ვითარებაში დაიკარგა, რაც მეტისმეტად დასანანია.

აკაკი განწერელის გასული საუკუნის

სამოცდაათიან წლებში გამოაქვეყნა მეტნაკლები სიდიდის ფრაგმენტებად წარმოდგენილი ღრმა, ფასეული ფიქრები — „დაკვირვებანი და შთაბეჭდილებანი“ — მისი უმდიდრესი სულიერი ცხოვრების უშუალო ანარეკლი. იგი, უპირატესად, ლიტერატურისა და ხელოვნების უკვდავი ქმნილებიდან მომდინარე ბიძგებით არის ნასაზრდოები, ვინაიდან ამ კაცს წიგნის კითხვისა და მშვენიერების ჭვრეტის გარეშე ერთი დღეც არ უცხოვრია. დაუოკებელი ცნობისწადილით შეპყრობილი მწერალი ადამიანის არსის ყოველმხრივ წვლილმასაც ისახავდა მიზნად და აქაც საკვირველ მიხვედრილობას იჩენს. არასოდეს ავიწყდება ენის, შემოქმედის ყველაზე მძლავრი იარაღის ფენომენი, გამოსახვის საშუალებათა ეფექტი და მრავალფეროვნება, რის შესწავლასაც მან მთელი ცხოვრება მოაწოდოდა.

თავისი ინტიმური, შეუნიღბავი აზრების რეგულუმში ჩანიშნა აკაკი განწერელის სიცოცხლის ბოლომდე არ შეუწყვეტია და გასულ წელს „ინტელექტმა“ სერიაში „ჩანაწერები“ გამოსცა ამ დახვეწილ შთაბეჭდილებათა იშვიათი ნაკრები „ჩემი სო-



ლილოკვიო“ (შემდგენლები დუდა განწერელია და იოსებ ჭუმბურიძე). როგორც ერთგან თავად ავტორი აღნიშნავს: „სოლილოკვიო“ ნეტარი ავგუსტინეს ერთერთი თხზულების სათაურია და ნიშნავს „საუბარს საკუთარ თავთან განმარტობისას“. ბატონი აკაკიც მთელი წიგნის მანძილზე თავის თავს ესაუბრება და ჩვენ გვეძლევა ბედნიერი შემთხვევა, მოვისმინოთ ბრძენკაცის მრავალთაგან განსხვავებული ნააზრევი.

აკაკი განწერელია ყველას კუთვნილ პატივს მიაგებს, მაგრამ მისი უპირველესი სიყვარული და თავყვანისცემა „ვეფხისტყაოსნის“ ავტორს ეკუთვნის:

„გენიალური სტროფი პირველივე ტაქტით იცნობა. რუსთაველი იწყებს: ბიწლის გვარია სოფელი. და სტროფის ბედი „ცაშია გადანყვებილი“.

როცა რაიმე მოვლენის განსაზღვრა, დახასიათება უნდა, აკაკი განწერელია ყველაზე მოქნილ ფორმას პოულობს, სათქმელს ერთ დანურულ წინადადებაში აქცევს:

„სტილი გაბმულ მეტყველებაში შერჩეული საუკეთესო ელემენტების სისტემა“.

ვაჟა-ფშაველას გენიალური ქმნილებების „ალუდა ქეთელაურის“ საკვანძო ეპიზოდის სიდიადე რომ გვაგვრძობინოს, იგი მარჯვედ მიგნებული ერთადერთი ფრაზის ცხოველყოფილობაზეა დაყრდნობილი: „ალუდა ებრძვის მუცალს და გრანიტი ბრიალებს პოემაში“.

„სოლილოკვიოში“ ალაგ-ალაგ მოზრდილ ნაკვეთებსაც შეხვდებით; ერთგან ავტორი სულ ოთხიოდე გვერდში აქცევს მსოფლიო ისტორიასა და კულტურას — შემერებით, ძველი საბერძნეთითა და ეგვიპტით დაწყებული, მეოცე საუკუნის გენიალურ მოაზროვნეთა ეთიკური

იდეალებით დამთავრებული. უნაპიროცოდნისა და გამოაგნებელი პოეტური ხილვების დამტყვი ეს მაგიური ოთხი გვერდი ასე მთავრდება:

„ირხვევა ამბების, ვნებების, იდეათა და ფანტაზიათა გრანდიოზული კალიდოსკოპი, თუმცა ჩვენს თხრობაში შინაარსის მხრივ იგი მიკროსკოპულადაა დაპატარავებული.“

ვინ მოსთვლის, პოეზიის რაობის, მისი ძნელად მოსახელთებელი მომხიბლაობის ახსნა რამდენ ვინმეს უცდია, მაგრამ როცა ასეთ ამოცანას მიზნად აკაკი განწერელისთანა ნიჭისა და განსწავლის ლექსმცოდნე დაისახავს, ყველაფერს სხვანაირი იერი და განათება ეძლევა:

„ვერსიფიკაცია პოეზიის კონსტრუქციული საფუძველია, მაგრამ პოეზია მთლიანად ემოციის, მხატვრული აზრისა და მათი მატერიალური გარსის იდეალური თანხმობაა“.

ბატონ აკაკის ჭირის დღესავით ეჯავრებოდა ლექსის ცალმხრივი, ლინგვისტური ანალიზი, გრამატიკული ტერმინების დახვევა, მეტყველების ნაწილთა სვეტებად ჩამოწერა, დათვლა, რასაც ბულალტრულ დაანგარიშებას ეძახდა; მკვეთრად ემიჯნებოდა პოეტური ქმნილებისადმი ასეთ მექანიკურ მიდგომას და მისი ეს პოზიცია აშკარად ჩანს კიდევაც ერთ სხარტ ჩანაწერში:

„ენათმეცნიერის აზრით, ლექსი ლინგვისტური ფენომენია! ლიტერატურისმცოდნის აზრით კი — სიტყვიერ-მუსიკალური მოვლენა“.

დღევანდელ, საეჭვოდ მომრავლებულ, თვალში ნაცრის შემყრელ ფსევდო-ავანგარდისტებს დაუწოდებლად ამათრახებს და თავის ადვილს მიუჩენს მკვლევარის მკაცრი, სამართლიანი განაჩენი:

„მოდერნიზმით გატაცება კლასიკური ძეგლების ღრმა ცოდნის გარეშე — უსამველო ჩამორჩენილობაა“.

რომელიც გნებავთ დიდი ესთეტი და მოაზროვნე მოინახულო „სოლოლოკვიოში“ მოთავსებულ ასეთ ზუსტ და ხატოვან გამონათქვამს:

„კარგ სტილს ლიუციფერისა და ანგელოზის ურთიერთგადაძახილი წარმოშობს. ეს ორი მეტაფორიკური არსება არასოდეს აჯდება მხრებზე ღმერთისგან დაბადებითვე განწირულს“.

აკაკი განწერელის ზნეობრივ სისპეტაკესა და უმაღლეს კეთილშობილებაზე მეტყველებს ძალზე დამაფიქრებელი ჩანაწერი, რისი მიზნებიც განსხვავებული ეთნიკური წარმომავლობის ადამიანთა შორის არსებული ყოველად გაუმართებელი უნდობლობა და შუღლია:

„სხვა ერის სიძულვილი, დამცირება ან გაკილვა — სულიერი და გონებრივი დეფექტია. ტოლსტოი ურჩევდა თავის ექიმს, ანტისემიტ დუშან მაკოვიცკის, ბევრი უნდა იმუშაოთ საკუთარ თავზე, ებრაელებისადმი სიძულვილისაგან რომ განთავისუფლდეთო.“

ქრისტე ებრაელი ქალის საშოდან იშვა, ქრისტე კი ღმერთის ძეა, თვითონაც უფალი“.

წინამდებარე წიგნში ნაიკითხავთ მშვენიერ პასუხებს იმის დასტურად თუ როგორი ძვირფასი იყო აკაკი განწერელისათვის რუსული ლიტერატურის უდიდესი სახელები — პუშკინი, ლერმონტოვი, ტიუტჩევი, ტოლსტოი, დოსტოვესკი, გერცენი, როზანოვი, ბუნინი, ბლოკი, ბელი, ახმატოვა, ბაბელი, პასტერნაკი, სხვები და სხვები, ხოლო თავისი უსაყვარლესი ჩეხოვის ერთ გულახდილ გამონათქვამს, სადაც იგი დაუფარავად აცხადებდა, რომ ნაირნაირ პარტიებს არ ეკუთვნოდა, არც ლიბერალი იყო და არც კონსერვატორი, „სოლილოკვიოს“ ავტორი „მეორე სახარებად“ მიიჩნეოდა. ჩეხოვი იმ თავის პირუთვნელ, ღრმად ჰუმანურ თვალსაზრისს ასე ამთავრებს: „ფირმა და იარღივი მე ცრურწმენად მიმაჩნია, ჩემთვის წმინდანობაა ადამიანის სხეული, ჯანმრთელობა, გონება, ნიჭი, შთაგონება, სიყვარული, უკიდურესი თავისუფლება, თავისუფლება ძალისა და სიცრუისგან, რაშიაც ეს ორი არ უნდა გამოიხატებოდეს.“ მსოფლიო ლიტერატურის გიგანტებს (პომპროსი, ვერგილიუსი, დიუმა, რუსთაველი, დანტე, შექსპირი, სერვანტესი, რაბლე, გოეთე, სტენდალი, ბალზაკი, პუშკინი, ტოლსტოი, იბსენი, ჰამსუნ... ძნელია მათი ჩამოთვლა) აკაკი განწერელია „ინტიმურ მეგობრებს“ ეძახდა და მათ გარემოცვაში მუდამ ბედ-





თენგიზ სვანიძე

სურვილი

მზე იცინოდა ცათა მინდვრიდან, -
ხოვარული ვარდის კოკორი...
გზიდან სტრიქონი წამომიფრინდა,

სიკვდილის ღოცვა

ტყუბის ცალი ვარ, ვარ ტყუბის ცალი,
ძმამ, სამნუხაროდ, აღრე დამტოვა...
ჩანგრეული მაქვს გულის ფიცარი,

ჩემი სოფელი

გამოვექეცი აგვისტოს ბუღს,
მტვერსა და ხმაურს
და ახლა ჩემი სოფლის მწვანე
ტერასებს ვზვერავ.

\* \* \*

ჩემი ცრემლიანი ლექსი
შენა ხარ, შენ!
ვინ მასწავლა
შენზე ფიქრი, ვინ?!

წლები... წლები...

წლები... წლები შევალე ლოდინს,
გაფანტულან იმედები ქარში...
როს სიბერე აფთარივით მოდის,

...შეატეხა ქარმა ბოლო ტოტი
იასამანს, - ცხოვრებაა მრუმე,
როს სიბერე სასჯელივით მოდის,

სიკვდილი ვარ, სიცოცხლით ნანვალები!

დავფარფატებ, ვარ ყვითელი კაკლის ნემო,
დარდი უნდა დავამშო, ვალორო...
დღენი ჩემი იმნაირად ხვნიშის, ხვნიშის,

მე მეფე ვარ — ყოვლის შემძლე, მე ვარ — მწირი,
ხელს მოვიკვეთ, სამათხოვროდ გაშვერილს...

სული ჩემი ტირის, ტირის, ტირის, ტირის, -
ცად გაფრენას არ დაადგა საშველი!

გული, გული ყინულივით გაისარკა,
გზებს, გზებს ჩემსას ასდის ცეცხლის ალები...
ვიტან, ვიტან ცხოვრებისგან შხამს, ვით სარკაზმს,

წავალ, წავალ, ვარსკვლავითი გავიღვიძებ,
ყველა ყველას, ყველას დაგვაგინყდება...
ვხმობ სიხარულს, ჩვენგან ძალით განაძიძევს,

სიბერის ლექსი

სულ ცაში ქროლვა გასურდა,
მორჩა დღეები ქარვის...
ყველა მიგქონდა გულთან,
შენ არ ახსოვდი არვის!

\* \* \*

წლებში ლოდინი გაჭაღარავდა!

შორი ნისლივით ვარ ხელუხლები!
მზე ჟანგისფერი,
მზე იძირება
და მეჩვენება: ორეულს შენსას

წლებში ლოდინი გაჭაღარავდა!

სიბერე


ოდესლაც თმაქორჩილი,
დღეს მთვარეს ვგავარ მელოტსა...
ამქვეყნად დავალ მორჩილი, -
გზები ვინ ამიშვეროსა?!

ცათა საგანგებო ზომის თვალის

ქარმა წელში გახნიქა
აღვა, - ლამობს მოთხრას,
ფოთოლთ პანიკა
მოჰგავს ოხვრას.

მთებზე ნისლის დოღბანდი,
ტყეთა მწვანე ტევრი...
წინ ნუთს ბომბარდირს
უდგას ვერვინ!

ლამე წამომენევა,
როგორც ვეფხვი - ირემს...
სულის ზენევა
ცრემლებს ირევს.



დროს ვინ იყო შეება,
გული რას არ იტევს...
ქარნი კლდეებმა
აისხლიტეს.

ევასაგან შობილი
შენა ხარ ადამი...
ფიქრით მოვლილი
ცა - ტატამი.

ჟამი ყოველს წარგტაცებს,
იყავი რაგინდ მხრის...
ტოტებს წარმტაცებს
ძენნა ხრის, ხრის.

ვერვის ვერ ვამგვანე
მე მზე ჩამავალი...
ცათა სამანებს
ზომავს თვალი.

ხანკარი სოფლად

სოფელში მწვანე იმედივით
მოჩანდა სახლი
და მის კედლებში
მოგონებად თვლემდა წარსული

.....

და როცა სახლი,
ტკაცატკუცით იწვოდა სახლი
და ცასთან შებმას
ცოფიანი ლამობდა ალი,

.....

და აბრეშუმის კაბა როცა
შემოიხია
მზემ სოფლის თავში
დარჭობილ სარზე, -
ვით ჩაფერფლილი იმედები,

გია ხომერკი

წვიმა და მარცხი

როდესაც მოდის წვიმა, როცა ქალაქში წვიმს, ჩემი უიღბლო თავის უფრო ნაკლებად მწყინს.

თითქო იმედით ივსება ეს გულ-ნატკენი გული, მჯერა, რომ ისევ მოვა მერცხალი-გაზაფხული.

მჯერა, მერცხლების გუნდი კვლავ შეიქმს იმ გაზაფხულს, ღვთის მიერ გამეტებულს, ღვთის მიერ შემონახულს.

ჯერ კი აქ ფრენენ მერცხლები, უხარიათ და ფრენენ... ვუცქერ და ვუცქერ ლამაზებს, ჩემიანებს და ჩემებს.

გაფრინდებიან ისინი, მზის ქვეყნებისკენ წავლენ, ზამთარო, მოხვალ, სიზმრადაც თბილ მერცხალს გამოავლენ;

ზამთარშიც დამესიზმრება მერცხლების თლილი ფრენა, იმ დილით ალბათ მოვა ცრემლი და აღმაფრენა.

მომენტებით, მერცხლებო, ერთმა იქარეთ მაინც; ერთი მერცხალიც მოიყვანს გაზაფხულსა და მასის.

ესლა წვიმს, თბილი წვიმაა, მოდის, რაღაცას ამბობს, ზაფხული ჩუმად მიდის, გამადლობ, წვიმაო, გამადლობ,

ოღონდ გთხოვ, ჩემო წვიმა, სულ გეხვეწები ამას: იწვიმე, ოღონდ ნურვის, ნურავის ავნებ რამეს.

როდესაც მოდის წვიმა, როცა ქალაქში წვიმს, ჩემი ასეთი თავის უფრო ნაკლებად მწყინს.

თითქო იმედით ივსება ეს გულ-ნატკენი გული, მჯერა, რომ ისევ მოვა მერცხალი — გაზაფხული.

აკი დაფრენენ მერცხლები, წკრიალებენ და ფრენენ... ვუცქერ და ვუცქერ ლამაზებს, ჩემიანებს და ჩემებს!

მწარე სიზმარი

ბევრი რამ არის საშინელი, მაგრამ ადამიანზე საშინელი არაფერია! Sophokles, Antigone, 332-333.

რამდენი ათას წელია, კაცთა მოდგმა რომ არის, ჰხმობენ, ლოცვენ და ელიან იზისს... ქრისტეს... და არესს...

რამდენი ათას წელია, დღით ნაგებს შლიან ღამით, ცასა და მიწას წველიან, კუჭს რომ აამონ რამით.

რამდენი ათას წელია, შავი ხორხებით ყლაპვენ ვარსკვლავდაფენილ ლელიანს, მზის მოკამკამე ზღაპრებს.

რამდენი ათას წელია, ცას შეჰყურებენ კაცნი, ჰვედრენ და მერე წყევლიან ყველას – მხსნელსა... და მაცილს.

რამდენი ათას წელია, შობენ, კლავენ და შობენ, სიცოცხლე არა გრძელია, ჰოდა, უსმენენ შობენს.

რამდენი ათას წელია, კაცნი შობენ და კლავენ, სიკეთის გამო სცხვენიათ, ბოროტს ელტვიან. Amen.

რამდენი ათას წელია, ყველა ერთმანეთს აცლის ლუკმას კეთილს კი ელიან; კაცნი არიან, კაცნი.

რამდენი ათას წელია, მადლიან დღეთა ჯამებს შლიან... ფიქრადაც ძნელია: კაცნი თავისთავს ჭამენ.

ყველა ამ ათას წელიწადს ჟამი უცქერის წყნარად; ჟამი აღსასრულს შეიცავს წმინდა აღსავლის კარად!

ნატვრა – ექსპრომტი

როგორ მინდა დავწერო რამე მართლა ლამაზი წამით მაინც გაცოდეს ცხრა ქალღმერთის პარნასი

რომ თეთრ ღრუბელს შევწვდე და მთელი ვნებით ვაკოცო დამინახოს ვიღაცამ, ცაში ქუდი ატყორცნოს

ამბობენ რომ ახლოა აღსასრული სამყაროს მე კი ლექსს ვწერ და მინდა სიხარული გახაროთ

თუნდაც წამით გაგრძელდეს სილამაზე ყვავილთა ისევ ფეთქდეს სიცოცხლე ვარდიოთაც და ყვავიოთაც

როგორ მინდა დავწერო რამე მართლა ლამაზი მე ხომ მთელი ცხოვრება სულ ვოცნებობ ამაზე

რა დროს ლექსის წერაა მეუბნება ვიღაცა მაგრამ ჩემ სიმამაცეს ისევ ვიღაც მილოცავს

სილამაზით სამყარო გაგრძელდეს და გადარჩეს მაშინ მეც სხვა დროისთვის მოგიყვებით დანარჩენს!

ორხასტრა

ნ. ტ-ს.

ახლობელ წყვილთა რიგი დგას შორი ედემის ორ ხესთან, ორივე სურს ყველა ოხერს და... არც მონდომება მობეზრდათ.

მე რა ვქნა? რა შემიძლია?... ვინც მათგან დარდი ვინწვი, არადა, ჩემი ღვიძლია შენი ლამაზი სინათლე, შენი ლამაზი სინათლე, მე რომ შავ სიზმრებს მინათებს, მე რა ვქნა? რა შემიძლია? არადა, ჩემი ღვიძლია

ის წმინდა საკურთხეველი – სახეზე სხივთა მთეველი; მე კი რითმებიც მომბეზრდა... და თვით სიცოცხლაც მომბეზრდა... და უკრავს ძველი ორხესტრა, შორს უკრავს ძველი ორხესტრა, ძველი და სადა ორხესტრა... Syneidesis – ორხესტრა...

ორხესტრას ცეცხლი ანათებს, ბაკოსის ბაგე მგონია, ქარი ხვეტს ტრფობის ბარათებს, ცეკვავენ, სული ჰქონიათ... ცეკვავენ, გული ჰქონიათ...

უცებ ცეცხლიდან მომესმა: ვინა გყავს პირველ ღმერთადა? ცალკე ვართ, მაინც ერთად ვართ; მინვევ ლამაზი მენადა; თირსოებს ვაზი მოესხათ, შენთვის სიცოცხლე მენადა... ერთად ვიქნებით ოდესღაც, ერთად ვიქნებით ოდესღაც, რადგან ჩვენია ორხესტრა, ის ძველი, ძველი ორხესტრა, ძველი და წმინდა ორხესტრა, ძველი ბერძენების ორხესტრა!..

სიპართლე

ყველასთან თავი ვიმართლე, ყავარზე ყინჩად სხედან, მივდივარ, ცოდვებს მივათრევ... მე სხვის სიპართლეს ვხედავ!

მზიას!

აღმოსავლეთით და დასავლეთით ერთი სიყვარულის კანონია: ლუტეციაა თუ ხატაეთი, ყველგან: დე გრიო და მანონია!

კეთილ-ბოროტია სიყვარული; ყველა მისთვის მკვდარი ცოცხალია! და მზე, ცად რომ უყვარს სიარული, ჩემი შავ-წითელი მოცხარია.

მინად მოლასლასე კაცთა მოდგმა სულ იმის ცდაშია, რომ იფრინოს, მე კი მსურს: ტრფიალი რომ ამოვთქვა და ლექსმა მტყვენები მოიღვინოს.

აკი ჩემი სულის კეთილ ბზარში ჯვრაც ცოცხალია სასოება და ჭრელი დღეების შავი მარში ბედს მიწერს წითელი ასოებით.

ყინულებს გაალობს ამო ძალა, რომელიც არ ახსოვს აღარავის, ძალა, მე რომ მომცა ამორძალმა, ძალა, რომ არის და... ჩემთვის არის.

ამიტომ ქალური შეჩვენება, რისგანაც დღესაც ვერ მოვრჩენილვარ, ნუ მომკლავს; მე ზოგჯერ მეჩვენება: უკვე ყველაფერი მორჩენილა.

ჩიტების აფეთქდა ყრიაშული, ეჭა, გაზაფხულიც მეთავაზა, და ძველს სევდიანი სიყვარული – ჩემი წუთისოფლის სილამაზე.

ცხოვრების წესია: წყვილი, წყვილი, ფრინველთა ფრენა კი კენტი არი, მეყოს მე, რაც ქვეყნად ვისირცხვილე გვირილა, შავი და ეჭვიანი.

მე მახსოვს: სოფელი რომ გვაბრუნებებს და მახსოვს დღეები კარალეთის... და მე გავაკეთე ჩემებურად! და მე ჩემებურად გავაკეთე!

წმიდა ღამე

რამე ჩემი ლექსი მინდა, გულს რომ ჯერ არ უწერია, ისე ჩემი, ისე წმინდა, წინ რომ სუფთა ფურცელია.

უკვე მერამდენე ზამთარს ვუფრთხი და მეიმედება, შობისწინა დღეს და ავდარს დაბადება მეხედება.

ისევ მინდა ქვეყნად ყოფნა, მაგრამ არა ასე მარტოდ, მიყვარს ყოფნა მჯობნის მჯობნად ლექსში და არ ისე ფართოდ.

ამ დეკემბრის ამ ათ რიცხვში ოცდაოთხ რიცხვს შიშით ვფიქრობ, მყავს მტრები და ამათ რიცხვში სულ პირველი მე ვარ თვითონ.

ამიტომაც ველი შიშით ვარსკვლავსან წმიდა ღამეს, მშველის, მაგრამ კიდევ მიშლის რიცხვი – საკრალური რამე.

არის რაღაც შეუცნობი ექვსჯერ ათი ათას წელში, ჩემთვის მე ვარ ის უცნობი, რომ ვერ ვარჩევ ჩემში, სხვებში.

ლექსი გამოვიდა ჩქარი, ვინძლო გული უცვლელია, მაგრამ ქნარი ჩემი არი და წინ ჩემი ფურცელია!



გამომცემალი

ვაჟა ნონკოლაური

ბოლო დროს გამომცემლობა „საუნჯე“ აქტიურად ჩაერთო ლიტერატურულ პროცესებში და მნიშვნელოვანი ადგილი დაიმკვიდრა წიგნის ბაზარზე. მას მკვეთრად განსაზღვრული მიმართულება აქვს — თანამედროვე ქართულ ლიტერატურას გამოსცემს, ალბათ უკეთესი იქნება თუ ვიტყვით, ზრუნავსო, ვინაიდან თანამედროვე ავტორები შემოქმედებითი წინსვლისთვის, მეტი მუშაობისთვის, საკუთარი შესაძლებლობების სრულად გამოყენებისა და მკითხველამდე მისვლისთვის კერძო თუ სახელმწიფო ინსტიტუციების მხრიდან განსაკუთრებულ ყურადღებას საჭიროებენ, ამ თვალსაზრისით „საუნჯე“ ნამდვილად გამორჩეულია. წიგნის ბაზარზე სწორედ მან შეავსო ფინანსურად ნაკლებად მომგებიანი თანამედროვე ქართული მწერლობის ნიშა, ძალზე ფართო სპექტრით წარმოადგინა ის, რაც დღეს იწერება და წიგნის-მოყვარულ საზოგადოებას დიდი არჩევანი შესთავაზა.

„ლიტერატურული გაზეთის“ ყურნალისტი „საუნჯის“ დირექტორს, ვაჟა ნონკოლაურს შეხვდა და საგამომცემლო პროცესსა და სამომავლო გეგმებზე ესაუბრა.

— „საუნჯემ“ ჩემი ყურადღება ბოლო ხანებში მიიქცია. თბილისის წიგნის XV საერთაშორისო ფესტივალზე თქვენი გამომცემლობის კუთხეს ვუტრიალებდი, წარმოდგენილი გამოცემების მრავალფეროვნებით დავინტერესდი, ვფიქრობდი, თურმე, რამდენი თანამედროვე ქართველი მწერალია, რომელიც მუშაობს, იღწვის, თუმცა მის შემოქმედებას ნაკლებად ვიცნობ-მეთქი. შემდეგ საქართველოს მწერალთა სახლში თქვენი გამომცემლობის მიერ ორგანიზებულ პრეზენტაციას დავესწარი — ჯარჯი ფხოველის, ცირა ყურაშვილის კრებულებსა და ქართველი ქალი მწერლების ანთოლოგიის წარდგენას. გამომსვლელები სწორედ თქვენი საგამომცემლო პრიორიტეტის მნიშვნელობაზე საუბრობდნენ. რას გვეტყვით „საუნჯის“ ძირითად მიმართულებაზე, რამ განაპირობა თქვენი არჩევანი?

— წიგნთან ურთიერთობა ბავშვობიდან მომყვება. მახსოვს, უნივერსიტეტის სამეცნიერო ბიბლიოთეკაში სხვადასხვა უცხოურ გამოცემას რომ ვნახავდი, გული მწყდებოდა, გავიფიქრებდი, თუკი სხვა ქვეყნებში შესაძლებელია ასეთი წიგნების გამოცემა, აქ რა გვიძლის ხელს-მეთქი. მიუხედავად იმისა, რომ არაერთი ჩვენი გამოცემა მართლაც მშვენიერი იყო, ქართული წიგნის ზოგადი სახე, ვგულისხმობ გარეგნულ და პოლიგრაფიულ მხარეებს, მაინც უკეთესის ხილვის სურვილს გიტოვებდა. ერთი შეხედვით, თითქოს რთულად განსახორციელებელი იდგა არ არის, აკი ქართული ლიტერატურის სახით ფასდაუდებელი საუნჯის პატრონები ვართ, მაგრამ ამავე დროს, ამ საგანძურის პატრონობას, მოვლას დიდი ძალისხმევა სჭირდება. მოგეხსენებათ, ჩვენი ნიჭიერება მხოლოდ მწერლობაში არ ვლინდება, ყველა სფეროში შეიძლება ადამიანმა ახალ-ახალი მარგალიტი აღმოაჩინოს, რაც უფრო ღრმად ჩაჰყვები, მით უფრო თვალსაჩინო გახდება, თუ რა განძის მემკვიდრე ვართ, მაგრამ ამავე დროს ხედები, რომ თუ არ უპატრონებ, არ გამოამზეურებ, სხვებს არ უჩვენებ, ისე დაიკარგება, როგორც მიწაში დაფლული ბიბლიური „ტალანტი“.

სწორედ ამ მიზნით, ინტენსიურად ვთანამშრომლობთ თანამედროვე ქართველ ავტორებთან. მათი შემოქმედების წარმოჩენა პრიორიტეტად გავიხადეთ.

— მართლაც საშური საქმეა, თუმცა მეორე მხრივ, გამომცემლის წინაშე მუდამ დგას ამოცანა შემოქმედებითი პროცესი კომერციულ საქმიანობასთან

წარმატებით შეათავსოს. თანამედროვე ქართული ლიტერატურის გამოცემა კი — ცხადია, არ ვგულისხმობ რამდენიმე უკვე აღიარებულ, ცნობილ ავტორებს — ფინანსურად მომგებიანი არჩევანი ნაკლებად არის. თქვენ ხომ ბევრი ისეთი მწერლის წიგნებსაც ბეჭდავთ, დღეს რომ ნაკლებად იცნობენ.

— არიან ავტორები, რომლებსაც საზოგადოება ჯერ არ იცნობს. მკითხველამდე მათ მიყვანას, მათი წიგნების დამკვიდრებას არც კი ვიცო, რა დრო შეიძლება დასჭირდეს. ცხადია, ბევრი ნაწარმოების გამოცემა კომერციული თვალსაზრისით მომგებიანი სრულებით არ არის, მაგრამ

„ თითოეული წიგნი შვილივითაა “

თუკი თხოვლებას მხატვრული ღირებულება ნამდვილად გააჩნია, მის დაბეჭდაზე უარს ვერ ვიტყვი. გასაგებია, რომ ახალსა და უცხოეს არაფერს ვამბობ, საგამომცემლო საქმეში ასეთი პრაქტიკა არსებობს და ყველა გამომცემელი ცდილობს ახალი სახელები აღმოაჩინოს, გარკვეულ რისკზე წავიდეს, თუმცა კოლეგებისგან ჩვენ ალბათ ის განგვასხვავებს, რომ აქ ერთეულ შემთხვევებზე კი არ არის საუბარი, არამედ ზოგადად — მიდგომაზე.

შესაძლოა ჩვენმა ამა თუ იმ ავტორმა დღეს სენსაცია ვერ მოახდინოს, მაგრამ მას დახმარება სჭირდება, რომ არ გაჩერდეს, ახალი წიგნის სამზადისი, უკეთესის შექმნის სურვილი, სტიმული ჰქონდეს. ეს წიგნები ქართულია, ჩემია და უკან ამიტომაც არ დავიხევ. სინამდვილეში მამოძრავებს სურვილი, რომ თანამედროვე ქართული მწერლობა ხელაღებით არავინ გააკრიტიკოს, სკეპტიკოსებს არ აეჭვებდეთ მისი მხატვრული ხარისხი და ზე-

მოდან არ უყურებდნენ მხოლოდ იმიტომ, რომ ქართულია. მხოლოდ მე არ ვფიქრობ ასე, ჩვენს გამომცემლობაში პრიორიტეტზე ყველა ვთანხმდებით, არჩევანი ყველას გაცნობიერებული გვაქვს. თუმცა გავიმეორებ, რომ ყველა წიგნს, რომელსაც გამოვცემთ, თავისი ლიტერატურული ღირებულება გააჩნია, არ იფიქროთ, ტექსტს მხოლოდ იმიტომ ვბეჭდავდეთ, რომ ის ქართულია.

ამავე დროს, ძალიან მნიშვნელოვნად მიმაჩნია ზრუნვა ენის სისუფთავეზე. მოგეხსენებათ, ქართული ენა მისთვის არააბუნებრივი, უცხო ფორმებით დღეს ძალიან არის დაბინძურებული. ხარისხიანი მხატვრული ლიტერატურის გამოცემა, ამ პრობლემის წინააღმდეგ ბრძოლადაც შეიძლება ჩათვალოს.

გეტყვით, რომ ხშირ შემთხვევაში ენთუზიამზეც ვმუშაობთ, მოგეხსენებათ, ყველაფერი თანხებთანაა დაკავშირებული, ამიტომ ხან გვიჭირს, ხანაც ზღვარზე ვართ ხოლმე. შეიძლება ვილაც შემომედავოს, მითხრას, თუ წიგნს მოგება არ მოაქვს, რატომ ბეჭდავ, მაგრამ ქართულ ლიტერატურის მიმართ ამგვარი დამოკიდებულება არასწორად მიმაჩნია. ვფიქრობ, თანამედროვე მწერლობის განვითარება სახელმწიფო პოლიტიკის ნაწილი უნდა იყოს, აქტიური თანამშრომლობა გამომცემლობასა და სახელმწიფოს შორის ამ მიმა-

— საინტერესოა თქვენი თანამშრომლობა ავტორებთან. როგორ პოულობთ მათ? რამდენადაც ვიცო, გარკვეულ ლიტერატურულ მიმართულებას მარიამ ნიკლაური ხელმძღვანელობს, მას არაერთი შესანიშნავი კალმოსანი მოყვანია თქვენამდე.




— ბევრი ადამიანია, რომელიც ჩვენთან თანამშრომლობს და ავტორებთან კომუნიკაციაში გვეხმარება. მაგალითად, მარიამ ნიკლაურს, კატო ჯავახიშვილს, შოთა იათაშვილს თავიანთი ლიტერატურული მიმართულებები, თავიანთი ხედვა აქვთ, ისინი მათთვის საინტერესო ავტორებს, თემებს გვთავაზობენ, შემდეგ პროცესში უშუალოდ ვერთვები და საბოლოო გადაწყვეტილებას ვიღებ. მოგეხსენებათ, ისეთი ავტორებიც არიან, საუკეთესო რომ ჰგონიათ თავი, თუმცა რეალობა სულ სხვაგვარია. ასეთებს გამოცემის მომზადებაში, მის დაბეჭდაში ვეხმარებით, ოღონდ მომსახურების საფასური თავად უნდა გადაიხადონ. ამგვარი შემოსავლები რომ არაა, ძალიან გაგვიჭირდებოდა იმ ავტორთა ნაწარმოებების დაბეჭდვა, ვინც ნამდვილად ღირებულია. ასე ვცდილობთ ჩვენი საგამომცემლო საქმიანობა დავაბეზანსოთ, გარკვეული შემოსავლები გამომცემელს აუცილებლად უნდა ჰქონდეს სხვა, ნაკლებად კომერციული, თუმცა ფასეული ლიტერატურის დაბეჭდა რომ შეეძლოს.

— რამდენად ზრუნავთ იმაზე, რომ თქვენი ავტორების შემოქმედება უცხოელ გამომცემლებამდე თუ მკითხველამდე მიიტანოთ? ამ მიმართულებით კულტურისა და ძეგლთა დაცვის სამინისტრო საინტერესო პროექტებს ახორციელებს, ეწყობა ფორუმ-დილოგები, შეხვედრები უცხოელ გამომცემლებთან, საქართველოს სტენდი წიგნის საერთაშორისო ბაზრობებზე ყოველწლიურადაა წარმოდგენილი. თქვენ რამდენად ხართ ჩართულები ამ ლიტერატურულ პროცესებში?

— რომ გითხრათ ამ მხრივ კარგი მდგომარეობა გვაქვს-თქო, არ ვიქნები მართალი. იმედია მომავალში გამოსწორდება საქმე. მაქსიმალურად ვცდილობთ, ყველას გავაცნოთ, მივანოდოთ ჩვენი ავტორების ტექსტები, თუმცა წიგნის თარგმნას და უცხოურ ბაზარზე მის გატანას ფინანსები სჭირდება. იმედი გვაქვს, ეს პრობლემა სამომავლოდ მოგვარდება, კულტურის სამინისტროსთან თანამშრომლობა ინტენსიურ ხასიათს შეიძენს. ახლა სიტუაცია ასეთია — უამრავი რამ გვაქვს სათარგმნი, უცხოელი კოლეგებისთვის შესათავაზებელი, მაგრამ ჯერჯერობით ფინანსური მხარე გვაბრკოლებს. მეორე მხრივ, თუკი ამ მიმართულებით გარკვეულ ნაბიჯებს არ გადავდგამთ, მაშინ არაფერი შეიცვლება, ისევ ჩვენ ქვაბში მოვიხარშებით, შევაქებთ ქართულ მწერლობას, მაგრამ მსოფლიოსთვის ის უცნობი დარჩება.

— „საუნჯის“ ავტორებიდან თუ გვეულებათ ისეთები, ვისი ტექსტებიც უცხოელ გამომცემლებს დაინტერესებს?

— რა თქმა უნდა, თარგმნასა და ქვეყნის გარეთ გატანას არაერთი მხატვრული ტექსტი იმსახურებს. საერთაშორისო ლიტერატურულ პროცესებში ჩართვა თვით მწერლებისთვისაც ძალიან მნიშვნელოვანია.



ეს საუკეთესო მოტივაციაა მეტი შრომისთვის, შემოქმედებითი მუშაობისთვის. ჩემთვის თითოეული ავტორი გასაფრთხილებელია, ყველას თავისი მიმართულება, სივრცე, ხელწერა გააჩნია. კონკრეტულად ვერავის დავასახელებ, იმიტომ კი არა, რომ ვილაცას გული ეტკინება, უბრალოდ შეუძლებელია ამა თუ იმ მწერალზე ან ნიგზე თქვა, რომ ის ყველას ჯობს. თითოეულს თავისი ღირებულება აქვს.

— **თქვენ საბავშვო მწერლებთანაც აქტიურად თანამშრომლობთ. პროექტი „ბიბა“ ამის დასტურია.**

— ჩვენ ორიგინალურ საბავშვო ლიტერატურას ყველა ასაკობრივი კატეგორიისთვის გამოვცემთ. ამ მიმართულებით მართლაც ძალიან ბევრს ვმუშაობთ. ხშირად მსმენია საბავშვო მწერლისთვის რომ უკეთხავთ, სერიოზულს არაფერს წერო? საბავშვო ნიგნს ნაკლებსერიოზულ ლიტერატურად აღიქვამენ. არადა ურთულესი სამუშაოა.

ჩვენთან ბევრი კარგი ნიგნი იწერება, ამიტომ შორს არ მივდივართ, უცხოენოვან ლიტერატურას არ ვთარგმნით. ცხადია ბავშვებისთვის უცხოელი ავტორების თხზულებათა გაცნობაც აუცილებელი და სასარგებლოა, მაგრამ ამაზე სხვა გამოცემლობები შესანიშნავად ზრუნავენ. მე კი მინდა ჩვენს შვილებს, ქართველი ავტორების დაწერილი საუკეთესო თანამედროვე ქართული საბავშვო ზღაპრები, მოთხრობები, ლექსები მივანოოდო, ახალ-ახალი გმირები გავაცნო, მინდა ჩვენ საუნჯეს ვაზიარო ისინი.

— **„საუნჯის“ ნიგნი ძალიან შთაბეჭდავი, გემოვნებით შესრულებული მხატვრობითა და დიზაინით არის გამორჩეული. ვგულისხმობ, როგორც საბავშვო, ასე უფროსებისთვის განკუთვნილ გამოცემებს.**

— ნიგნების გარეგნულ მხარეზე, დიზაინზე ორი ახალგაზდა, ნიკა ხვედელიძე და თეა აკობია ზრუნავენ. ასევე თანამშრომლობთ არაერთ ქართველ მხატვართან, თუმცა საბოლოოდ მე ვირჩევ, რომელი გარეკანი, რომელი ილუსტრაცია ჯობს. ამ მხრივ საკმაოდ პრეტენზიული ადამიანი ვარ და მინდა, რაკი ვაკეთებთ, უზადოდ შევასრულოთ ჩვენი სამუშაო. სხვაგვარი დამოკიდებულება ვერც მექნება, რადგან თითოეული ნიგნი შეიღვივია.

— **თქვენი, როგორც გამომცემლის ყურადღების არეალში ლიტერატურული კრიტიკაც მოექცა. მხედველობაში მაქვს**

როგორც ცალკე გამოცემები, ისე ჟურნალი „ახალი საუნჯე“, რომლის ძირითადი მიმართულება მგონი სწორედ კრიტიკული წერილებისა და რეცენზიების გამოქვეყნებაა.

— აქაც ყველაფერი ფინანსებთან არის დაკავშირებული. საქმე ისაა, რომ ერთი ნიგნის გარდა, ნონა კუპრეიშვილის „სიტყვის დეგუსტაციას“ ვგულისხმობ, სხვა არაერთი ნაშრომი მინდა გამოვცე. ბევრი საინტერესო ლიტერატორი, კრიტიკოსი გვყავს. ამ დარგის განვითარება ხომ თვითონ მწერლობისთვისაა აუცილებელი. რაც შეეხება „ახალ საუნჯეს“, უკვე სამი ნომერი გამოვეცი, იმედი გვაქვს კულტურის სამინისტროს მხარდაჭერით პროცესი არ შეფერხდება და ჩვენთან თანამშრომლობა ავტორებს შემდგომი მუშაობისთვის გარკვეულ სტიმულს, მოტივაციას მისცემს. გვინდა არეალი გავაფართოვოთ და ხელშეწყობის თითქმის ყველა დარგი მოვიცვათ. როგორც იცით, ჟურნალის რედაქტორი შოთა იათაშვილია. საკითხს ერთნაირად ვუყურებთ, სურვილი გვაქვს მკითხველს მხოლოდ ის კი არ მივანოოდოთ, რასაც მიჩვეულია და სხვა უამრავ პერიოდულ გამომცემაში ისედაც მიაგნებს, არამედ — რაღაც ახალი საკითხავი შევთავაზოთ, ისეთი, რომელსაც გაინაირებს, ან უარყოფს, მაგრამ ღირებული იქნება თავისი ტექსტებითა და კონტექსტებით.

— **ნიგნის გამოცემის პროცესი თქვენთან, როგორც ვიცი, სრულად ხორციელდება.**

— დიას, „საუნჯე“ ნიგნის მხოლოდ კომპიუტერული ვერსიის მომზადებას როდი გულისხმობს. ხშირ შემთხვევაში ტექსტების აკრეფით ვინწყებთ, გავივლით ყველა საგამომცემლო ეტაპს და ნიგნს ჩვენსავე სტამბაში ვბეჭდავთ. ამის შემდეგ საქმეში გავრცელების სამსახური ერთეულები. მართალია შესაბამის სააგენტოებთან თანამშრომლობთ, მაგრამ ძირითადად, ტირაჟს ჩვენ თვითონ ვარიგებთ მაღაზიებში. კვირაში ორჯერ კი გამომცემლობის თანამშრომელი დავივლით მაღაზიებს, ნახავს, სად რა გამოცემა აკლია და შეავსებს მას ახალი ეგზემპლარებით. ასე რომ, მუდმივად საქმის კურში ვართ, თუ რა ხდება ნიგნის სამყაროში. ვისურვებდი და გისურვებდით, თანამედროვე ქართულ ლიტერატურას სულ უფრო მეტი მკითხველი და დამფასებელი ჰყავდეს.

ესაუბრა თამარ ჟურნალი

1. რას ნიშნავს თქვენთვის მანხაბლის 13?  
2. როგორ წარმოგიდგენიათ მწერალთა სახლის მომავალი?



ანდრო ბუაჩიძე

„ლიტერატურული გაზეთის“ ანკეტა

1. 80-იან წლებში მწერლთა კავშირთან არსებულ მთავარ სარედაქციო კოლეგიაში ვმუშაობდი. ეს დანსებულება დადიანის ქუჩაზე, განცალკევებით მდებარეობდა. მიუხედავად იქმუშაობისა, მწერალთა კავშირის ხშირი სტუმარი არასდროს ვყოფილვარ. ახლა რომ ვფიქრობ, ეს, ცოტა არ იყოს, უცნაურად მეჩვენება. თუმცა რაღაც ახსნა ამასაც აქვს.

მწერალთა სასახლეს თავისი ინტერიერით, ვერასდროს აღვიქვამდი ჩვეულებრივ დანსებულებად. კარგად ვიცოდი, რომ მწერლები აქ არა მარტო სადისკუსიოდ, არამედ თავიანთი პირადი საზრუნავის გამოც დადიოდნენ, მაგრამ ეს ფაქტორი სერიოზულად არასდროს აღმიქვამს. მწერალთა სასახლე გალაკტიონის და „ციხფერყანელების“ ნავსაყუდელი იყო, ამიტომაც ჩემთვის ყოველგვარი უტილიტარიზმის მიღმა იდგა, განრიდებას კრძალვა მაიძულებდა. ვიცოდი, ეს იყო სულიერების ტაძარი, სადაც 1937 წელს სისხლიანი დრამა გათამაშდა — პაოლო იაშვილმა სანადირო თოფით მოიკლა თავი. გასროლა მწერალთა სასახლის მეორე სართულზე მაშინ მოხდა, როცა პირველზე მორიგი დამთრგუნველი სხდომა იმართებოდა. ტაძრის მდუმარებაში დამანგრეველმა პროტესტის ხმა იჩქეა. ამ გასროლამ მთელი ეპოქა შეძრა და სულ მცირე ხნით გამოიყვანა მწყობრიდან ძალადობრივი დამსჯელი მექანიზმი.

ბაბუაჩემი, სასოფლო-სამეურნეო ინსტიტუტის რექტორი ანდრო ბუაჩიძე იქვე, მანხაბლის 7-ში ცხოვრობდა. ის ოცდათვრამეტ წელს დააპატიმრეს (თვითონაც ოცდათვრამეტი წლის პროფესორი იყო). მცირე ხნის შემდეგ დაიჭირეს მისი მეუღლეც და უფროსი ვაჟიშვილიც (14 წლის ყმანვილი), მამაჩემის ძმა. ჩემს წარმოდგენაში ეს ფაქტი — ერთი ოჯახის განადგურება — მწერალთა კავშირში გათამაშებულ დრამას და საერთოდ, მწერალთა რეპრესიებს შეუკავშირდა, რაც სრულებითაც არ არის გასაკვირი.

როცა ტიცინიან ტაბიძის ლექსებს ვკითხულობდი, მისი სიცოცხლის მძაფრ სიყვარულთან შერწყმული ტრაგიზმი ჩემზე წარუშლელ შთაბეჭდილებას ტოვებდა.

მწერალთა კავშირს პირველად სტუდენტობის წლებში ვეწვიე. იმ წლებიდან ერთი საღამო შემორჩა ჩემს მახსოვრობას. ეს იყო განხილვა ოთარ ჭილაძის რომანისა „ყოველმან ჩემმან მპოვნელმან“. მთავარი მომხსენებელი გურამ ასათიანი გახლდათ და მან შთაგონების ისეთი ცეცხლი დაანთო, რომ ხალხმრავალი დარბაზი გარინდული უსმენდა. ეს იყო ბობოქარი, ღრმა პიროვნულობის ნიშნით ალბეჭდილი, უაღრესად თავისუფალი საუბარი არა მარტო კონკრეტულ ნაწარმოებზე, არამედ საერთოდ ლიტერატურაზე. მახსოვს, მაშინ ოტია პაჭკორიამ თქვა, ოცი წელია მწერალთა კავშირში დავდივარ და ასეთი ამომწურავი მოხსენება იშვიათად მომისმენიაო.

შეიძლება სახსენებლადაც არ ღირს, მაგრამ უკვე ოთხმოციან წლებში რამდენ-

ჯერმე მეც მომიწია მწერალთა კავშირში გამოსვლა. ახლაც ხშირად ვიხსენებ ჩემს დაუფინყარ მეგობარ თენგიზ პატარაიას. მან გერმანულიდან შესანიშნავად თარგმნა რობერტ მუზილის მოთხრობების ნიგნი „სამი ქალი“. ამ ნიგნის განხილვა სასახლეში მოეწყო. თარგმანს ძალიან თავშეკავებულად აქებდნენ, აქცენტი უფრო შენიშვნებზე გაკეთდა. ეს ალბათ ასეც უნდა ყოფილიყო, მაგრამ შენიშვნები მაინდამაინც მართებული არ მომიჩვენა და ოპონენტებს შევეკამათე. თენგიზი თავის თარგმანში ქართულ დიალექტურ ლექსიკას იყენებდა, რამაც მისი ოპონენტების გალიზიანება გამოიწვია. დღემდე ვფიქრობ, რომ ეს დიალექტური სიტყვები მუზილის ქართულ ვარიანტში ზედმიწევნით კარგად არის მორგებული კონტექსტს და მამინაც ეს განვაცხადე...

მაგონდება ასევე ერთი არაჩვეულებრივი საღამო. გურამ რამიშვილის თაოსნობით, მისი წინასიტყვაობით და კომენტარებით მოსკოვში გამოცემლობა „პროგრესმა“ ვილჰელმ ფონ ჰუმბოლდტის თხზულებების კრებული გამოსცა. ეს, რა თქმა უნდა, ქართველი მეცნიერის დიდი წარმატება იყო. ენის ფილოსოფიის დარგში ის საბჭოთა კავშირში შეუდარებელი მკვლევარი გახლდათ, სხვაგვარად რუსეთი გზას არ მისცემდა. მწერალთა სასახლეში ამ ნიგნის განხილვას უაღრესად რესპექტაბელური საზოგადოება დაესწრო. სიტყვები წარმოთქვეს ფილოსოფოსებმა ნიკო ჭავჭავაძემ და თამაზ ბუაჩიძემ, ისაუბრა თვითონ გურამ რამიშვილმაც და ამკარა იყო ერთი რამ: მწერალთა სასახლის ატმოსფეროში ფილოსოფოსების საუბარს მძაფრი შთაგონება ახლდა (ალბათ აუდიტორია განანყობდა საამისოდ) და ეს თავისუფალი ბაასი გამჭვირვალედ აჩენდა მათი მიღწევების დონეს. საღამო მეტად შთაბეჭდავი გამოდგა, რაც ყველამ ერთხმად აღიარა...

ყოველივე ამას იმიტომ ვიხსენებ, რომ ათიანი და ოციანი წლების მწერლების და მოაზროვნეების გარდა (რომელთაც მე ვერ მოვესწარი) მწერალთა სასახლეს სამოციანელებიც სძენდნენ ღრმა მნიშვნელობას. დღეს ყოველივე ეს მხოლოდ სანატრელია.

2. როგორც ვიცი, მწერალთა სახლში მრავლად იმართება ლიტერატურული ღონისძიებები, რაც ძალზე კარგია, მაგრამ ჩემი აზრით, მთავარი მხოლოდ ორგანიზება არ არის. ყველაფერი თვითონ ლიტერატორთა მომზადების დონემ უნდა განსაზღვროს. მწერალთა სახლმა დღესაც და მომავალშიც ნებისმიერი ასაკის ყველა ნიჭიერ მწერალსა და მოაზროვნეს უნდა გაულოს კარი. აქცენტი უნდა გაკეთდეს კეთილმოსურნე კრიტიკაზე. მხოლოდ სერიოზული, მიუკერძოებელი კრიტიკა აღმოფხვრის იმ ხარვეზებს, ასე რომ შეიმჩნევა ჩვენ თანამედროვე ლიტერატურაში. იმედია, მწერალთა სახლე და მისი სამეურვეო საბჭო ყოველივე ამას გაითვალისწინებს. ძნელია აქ რაიმე თქვა, ყველაფერს დრო გვაჩვენებს...

ახალი საუნჯე

№3 მაისი 2013 წელი  
ფასი 5 ლარი

საქსტეხისა და უმწახსახის  
ქუჩა

ლიბიტრი ნიქლაური  
საფრთხობელას სეზონი

ნომრის ავტორები  
რუსლან ჯიბარაი & თაა თოფაია

ჯიბარან ხალილ ჯიბარანი

Maurice Joly ლიბიტრი ჯოჯოხეთი  
მაკიაველსა და მონტესკიეს შორის

ა თ ვ ი ა

ზურაბ რთველიანი სოფიო კვატალიანი  
ლიანა ანფიბაილი ნუზარ ზაზანაშვილი  
ლათო ყაჩაღიანი ირაბ შიოლაშვილი  
ერეკლე ლიბიტრი

მანანა მთიანური  
გალაკტიონი —  
არტიკული მთარგმნელი

ლავით ანდრიაკა  
ეთერი(ნი) ჭკადუას  
ტენორისტული  
ნაგურალიზმი

სირა ყარაშვილი  
სოფო შალაია  
ააბა შაშვიანი  
ეკა ჯიბარაიანი

ალექსი ყაჩიანიანი  
გიორგი ლოქაძე

ლალა კოდლაშვილი

READ

მოსარბოშლიანი სახლი იყო. ჩვეულებრივი ორსართულიანი სახლი, რომელსაც მოაჯირები არ ჰქონდა. ძველი ხის კარი ჭრილით იღებოდა და ჩაბნელებულ დერეფანში და ოთახებში შედიოდა. ოთახები ერთმანეთში გადადიოდა. ღია ფანჯრებში თეთრი, ჭუჭყისგან ჩამუქებული ფარდები ფრიალებდა. ფერები მხოლოდ ახსოვდა იმ დროიდან, როდესაც ჯერ კიდევ ხედავდა. ბევრი ფერი დაავიწყდა, მაგრამ თეთრი, შავი და მკვეთრი ფერები ახსოვდა. როდესაც იხსენებდა ან ესიზმრებოდა, ამ ფერებს თითქოს შიგნიდან ვინმე ანათებდა.

სახლში ხან ვისთან ერთად იყო ხან — ვისთან, ზოგჯერ თავის ძმაცაცებთან ერთად აღმოჩნდებოდა იქ, ზოგჯერ ბიძაშვილთან, ზოგჯერ თავის მეყვარებულთან, ხან ვიღაც, სრულიად უცხო ტიპებთან. ერთხელ კამილო სენფუეგოსმაც შემოიარა კუბიდან თუ საიქიოდან. შავი ბერეტიდან თმა ჩამოშლიდა, გრძელი წვერი ჰქონდა და ხელში „თომპსონის“ ავტომატი ეჭირა. ჯეიმს ბრაუნთან ერთად მოვიდა. ჯეიმს ბრაუნი იცინოდა, იცინოდა, კვდებოდა სიცილით. შავ სახეზე თეთრი კბილები უკრიალებდა. როდესაც ჯეიმს ბრაუნი იცინოდა, მისი სიმღერა „It's a man's world“ ირთებოდა. მაგრამ უბერავდა. კამილო სენფუეგოსი არ იცინოდა. მაგარი ნალელიანი იყო. ეტყობა თვითმფრინავში რომ დაინვა, იმიტომ. ერთი ეგ იყო, დროდადრო ავტომატს გადაიდებდა ხოლმე მხარზე და სევდიანად იყურებოდა ბერეტის ქვეშიდან. იარაღი კი მაინც ხომიანად ეჭირა, ჩვენებურად, გამართულად და მარიაჟულად, როგორც სამხრეთელ ბიჭს და ლათინოსს შეეფერება და ეკადრება, მაგრამ სევდა და ნალელი მაინც დიდი ედგა თვალებში.

ჩვეულებრივი სახლი იყო, ჩვეულებრივი ორსართულიანი სახლი. თითქოს ხო არაფერი, მაგრამ რაღაც მაინც ვერ იყო რიგზე ამ სახლის გარშემო. ყოველთვის ბნელოდა. ყოველთვის, რაღაცნაირი მურტალი, მრუმე ბინდი იყო ჩამონოლილი და გამუდმებული სიჩუმე. არაფერი, ჩამიწევი იქ არ იყო. თეთრი ჭუჭყიანი ფარდებიც კი სრულიად უხმაუროდ ფრიალებდნენ შავ, უკუნ სიბნელებში. იმის მიუხედავად, რომ განუწყვეტილად ფრიალებდნენ, ერთხელაც არ გატყლაშუნებულან. შრიალიც კი არ ისმოდა.

არა, არც სატანა, ლუციფერი და ბელზებელი გამოჩნდნენ. არც ერთხელ. უკუნეთის თავადს, ქვესკნელის მეუფეს და დაცემულ ანგელოზს ვინ ჩივის, აზაზელსაც კი არ შემოუვლია, კოჭლობით არ ამოჩლახუნებულა კიბეზე და ნითური თავი არ შემოუყვია კარში, რომ სახლის ბინადართათვის თავისი განთქმული ყვითელი ლოჯი ეჩვენებინა. არც იარაღის ხმარების მასტერკლასი ჩაუტარებია, ბალიშის უკან ამოდებული აგურის შვიდიანი. არა, არც ერთხელ. ფუი ეშმაკს და არული კუდიანებს, მაგრამ ხომ არ მოუგონებ, მაგას არა დაბრალება უნდა, თავისი ჰყოფნის.

არა, მაგრამ რაღაცნაირი მძიმე სახლი იყო. რამდენჯერაც დაესიზმრა, იმდენჯერვე ისეთი შეგრძნება ჰქონდა, რომ აქ ცხადშიც ნამყოფი იყო. რომ ილივიებდა, მერე იხსენებდა, მართლა ყოფილა თუ არა იქ. ხან რომელ სახლს ამსგავსებდა, ხან რომელს. ჩვეულებრივი სახლი კი იყო, მაგრამ არც ერთს ჰგავდა. ვერც ემსგავსებოდა, იმიტომ, რომ არარსებული სახლი იყო. ყოველ შემთხვევაში, აქ არ არსებობდა. იქ კი, სადაც იყო, ნამდვილად იდგა თავისი უმოაჯირო ქვის კიბით, შიფერით გადახურული, ერთმანეთში გამავალი ოთახებით და აფრიალებული თეთრი, ჭუჭყიანი ფარდებით — უკუნ, მრუმე, ცუდ სიბნელებში რომ შრიალებდა.

ილივიებდა და მერე დიდხანს ფიქრობდა — რატომ ესიზმრებოდა მაინცდამაინც ეს სახლი. ერთი და იგივე ადგილი, სიტუაცია და ადამიანები ხშირად დასიზმრებია, მაგრამ ისინი აბსოლუტურად რეალური, ცხადშიც არსებული ადგილები და ადამიანები იყვნენ. იხსენებდა, სად შეიძლებოდა ენახა, როდის შეიძლება მოხვედრილიყო ამ სახლში. წამის მეასედში თითქოს აფიქსირებდა კიდევაც: „აი აქ, ამ დროს, აი ეს“... მაგრამ იმ წამსვე ქრებოდა ყველაფერი, სახლი თავის ადგილას ბრუნდებოდა და კვლავ დამცინავი სიცარიელე რჩებოდა. იხსენებდა, წრიალებდა, იტანჯებოდა. გამწარებული ცდილობდა, ზუსტად და

დეტალურად აღედგინა ყველაფერი. ცდილობდა, მისწვდენოდა იმ დროს, როდესაც უკეთესად ხედავდა და ჯერ კიდევ არ ჰქონდა თვალბინი ჩამდგარი ეს მტანჯველი და მოუშორებელი სიბნელე. ლამის ფიზიკურად მისწვდენოდა, ორივე ხელით ეპოტინებოდა, მაგრამ ვერა, ეს შეუძლებელი იყო. იმისთვის, რომ ჭკუაზე არ შემცდარიყო და არ გაგიჟებულიყო, ერთადერთი გამოსავალი რჩებოდა, უნდა დაეჯერებინა, საბოლოოდ უნდა დაერწმუნებინა თავი, რომ ეს სახლი აქ, დედამიწაზე, არ იდგა. არსად არსებობდა და მხოლოდ იქ იყო, სადაც მას ხედავდა. იქ, ერთადერთ ადგილას, სადაც მას კვლავ შეეძლო, თვალბინი ყოფილიყო და დაენახა ყველაფერი, თვით უმცირესი დეტალიც კი, რასაც აქ ვერასდროს ახერხებდა. მაშინაც

ბექა ქურხული

სიზმრად  
ჰნახე



კი, როდესაც ჯერ კიდევ ხედავდა. ოთახებს, რომლებიც ერთმანეთში გადადიოდა, ხის ფიცრული იატაკი ჰქონდა. ის ოდესღაც ნითლად შეეღებათ და ახლა ყავისფერი დასდებოდა. კედლები უცნაურად გამომშრალი, ხმელი, თითქოს ცხელი და მზურვალეც კი იყო. ამის მიუხედავად, ჭერთან, ოთხივე კუთხეში, ნესტის ნაკვალევი, დიდი, უცნაური ფორმის, მიხვეულ-მოხვეული ლაქები ჩანდა, რომლებიც, კედლების და ჭერის სიმხურვალისგან გამოშხმარი და ალაგ-ალაგ დახსნილი, დაბზარული იყო.

ბნელ ეზოში შავი ხეები ილანდებოდნენ. მეზობლად მდგარი სახლებიც ჩანდნენ, მაგრამ სახლები ხშირად იცვლებდნენ ადგილს. ხან სად იდგნენ, ხან — სად. მეტიც, დროდადრო საერთოდ ქრებოდნენ და მერე ისევ ჩნდებოდნენ, როგორც მოკრიანებოდათ, ან იმას როგორც მოუნდებოდა, ვინც აქაურობას განაგებდა. სახლები, თვითონ ეს სახლი, მხოვრავლე კედლები, უკუნი სიბნელე, უმოაჯირო კიბე, ფანჯარაში გაფრიალებული თეთრი, ჭუჭყიანი ფარდები, კუთხეებში დალაქავებული, ლაქებით უცნაურად მოხაზული, რუკებით მოხატული ჭერი, ერთმანეთში გამავალი ოთახები ან თავის ნებაზე იყვნენ და თვითონ რასაც უნდოდათ, იმას აკეთებდნენ, იმას მასპინძლობდნენ, იმით აჩენდნენ და აქრობდნენ ან აქაურობას სხვა მართავდა ან სხვები მართავდნენ, ან, ან...

სინამდვილეში რა ხდებოდა — ვინ? ერთი თუ რამდენიმე? თუ არცერთი? თუ არავინ? — ამ კითხვებზე პასუხი, იმის მიუხედავად, რომ სიზმარი ყოველთვის ჯიუტად მეორდებოდა, თავისი სახლით და მისი დროებით ბინადრებით, გამქრალი და ისევ საიდანაც აღმოცენებული სამეზობლო კარ-მიდამოებით, სიბნელებით, შავი, შავტოტებიანი ხეებით და საშიში იდუმალებით, არასოდეს ჩანდა. პასუხი კითხ-

ვებზე, ყოველთვის სიბნელის — როგორც ყველაზე მტკიცე და საიმედო საფარველის — მიღმა რჩებოდა.

რატომ ეს სახლი?.. ჩვეულებრივი შიფერით გადახურული ორსართულიანი სახლი, ქვის უმოაჯირო კიბით და ერთმანეთში გამავალი, გაფიცებული ოთახებით, თეთრი ჭუჭყიანი აფრიალებული ფარდებით... და რატომ იყო ეს სახლი ასეთი საშიში? სად იყო ჩასაფრებული საფრთხე? და თუ საშიშის და სახიფათოს წარმოჩენა უნდოდა თუ უნდოდათ, რატომ სახლი? ყოველთვის სახლი და არა სასაფლაო, მკვდრები, მორგი, მიტოვებული ეკლესია, ჯოჯოხეთი, ვულკანი, მინისძვრა, ტორნადო, შტორმი, მეტეორი, კომეტა, ასტეროიდი, ან თუნდაც ყველაზე შემზარავი, დახურული სივრცე, ან კარგი,

გალატული, შავად გაპრიალებული კუბო თეთრი, გაქათქათებული, კარგად, გულდასმით და სინდისიერად გაუთოებული სუდარით და მარმამაშებიანი და ფურფუშელებიანი, პატარა, თითქოს სათამაშო ასევე თეთრი ბალიშით? კარგი ვარდისფერი იყოს ჰა... რას გადაეკიდნენ ამ სახლს? თუ სახლი გადაეკიდა? თუ თავად გადაეკიდა იმ სახლს? რა იყო ეს — გაფრთხილება, მუქარა, თუ იქნებ ნუგეში იყო...

რა ჩემი ფეხები უნდა გაიგო კაცმა?! სიზმარი განუწყვეტილად ბრუნდებოდა, თითქოს რაღაც პერიოდულობითაც კი, რასაც, რა თქმა უნდა, ვერ იმასოვრებდა. შეიძლება რაღაც კანონზომიერებაც იყო ამაში, თუ დროის და პერიოდულობის არა, მაშინ სხვა გაცილებით უფრო იდუმალი რამის. მეორედებოდა და ბრუნდებოდა, როგორც დედამიწა ინებებს დროდადრო უცხო კოსმიურ სხეულს, ახლოს მოუშვებს, მერე შორს გასტყორცნის ერთი 39 წლით, მერე ისევ უახლოვდება, მერე 74 წლით მოისვრის, მერე ისევ მერე 150 წლით გაპკრავს სადღაც, მაგრამ საბოლოოდ მაინც ვერ იშორებს, ვერ იცილებს, როგორც ავსტრალიელი აბორიგენი თავის ბუმერანგს, ვიდრე ბოლოს ამ ბუმერ დედამიწას სულელ გოგრაში არ გადადეს ხოლმე ეგ რაღაც კოსმიური სხეული საკვანს, რომ კინკრისოდან კარგად დიდ სიმაღლეზე ბლღვირი აადინოს და მაგიით მთავრდება.

ან მთავრდება, ან — არა. ამბობენ, ეგეთი რამ უკვე მომხდარაო მექსიკის ყურეში. იუკატანის ნახევარკუნძულზე. სხვაგანაც. მეცნიერები ამბობენ.

არ სჯეროდა მეცნიერების. კიდევ უფრო მეტად არ სჯეროდა წარსულის. იუკატანი კი არა, იმასაც კი ვეღარ იჯერებდა, რომ ოდესმე ხედავდა. სინამდვილეში მხოლოდ დღევანდელი დღე არსე-

ბობდა. ანმყო. დღეს. დღეს კი ვერ ხედავდა. ოდნავდაც, სინათლის ნამცეცხსაც კი. მხოლოდ სიზმარში. ამიტომ სიზმრის სჯეროდა და ანმყოსი. დღევანდელი დღის. უფრო სწორად, დღევანდელი ლამის, რადგან სიბნელებში დღეც ღამეა.

აბსოლუტურ სიბნელებში დრო ჩერდება და აღარ იძვრის. ამიტომ სიტყვები — წარსული, მომავალი — უკვე დიდი ხანია, მხოლოდ გაურკვეველი, ლამაზი, პოეტური მეტაფორა და ფილოსოფიური ცნება იყო მისთვის და მეტი არაფერი. მხოლოდ დღევანდელ დღეს, ამ დილით შეიძლება, ახალგაზვიძებული ხელების ცეცებით წამოდგე ნელა, ფრთხილად და ნაბიჯ-ნაბიჯ გაიკვლიო ტუალეტისკენ გზა.

დროდადრო სრული შეგრძნება ჰქონდა, რომ მოკვდა. მოკვდა და ჯოჯოხეთში მოხვდა. საქმე კი გაცილებით უფრო უარესად იყო. ნებისმიერი ყოფითი რამ — საწოლიდან წამოდგომა, კბილების გახეხვა, საჭმლის ჭამა, წყლის დაღვევა — წარმოუდგენელ ტანჯვას აყენებდა. ფიზიკურად იმდენად არა — თავისი სახლის ყოველი კუნჭული ზეპირად ისწავლა, ხელის შევლებაც კი აღარ სჭირდებოდა. ყველა შეგრძნება და რეფლექსი ათმაგად ჰქონდა გამაფრებული. არა მარტო სმენა და ყნოსვა, არამედ კანის მგრძობელობაც კი. ხუმრობდა კიდევ — მგონი, თვალები თითებზე გამომივიდაო. ნებისმიერი მოძრაობა და მდგომარეობა ანუხებდა — საწოლში წოლა, სახლში ყოფნა, ხმაური, სიჩუმე, ქუჩაში გასვლა, ადამიანები, მარტოობა. სულიერი ტკივილი ფიზიკურ ტკივილში გადადიოდა. ცდილობდა, რაღაც ნესები და რეჟიმი შეემუშავებინა, რომ ფორმაში ყოფილიყო, გარკვეული საქმეებით და მოვალეობებით მაინც დაეცვა თავი საკუთარი თავისგან. ცდილობდა, რაღაცები გახარებოდა, თუნდაც ის, რომ დილით სწრაფად დგებოდა საწოლიდან, აკეთებდა იმას, რასაც ყოველი ადამიანი აკეთებს, ჰქონდა ყოფითი საზრუნავი, ინტერესდებოდა გარემოთი, გარშემომყოფებით, იმით, რაც გარშემო ხდებოდა. მისი ყოველი, დიდი თუ პატარა, საქმე, საზრუნავი თუ პრობლემა, ყველა ის თვისება და ჩვევა, რომელიც ამ წლებში გამოიმუშავა, არსებობისთვის ბრძოლა იყო. ამას ყველაზე უკეთესად თავადვე გრძნობდა. გრძნობდა, რომ ცნობიერად თუ ქვეცნობიერად ამ ბარიკადებს თავის საშველად აგებდა და რომ ეს ყველაფერი, საბოლოო ჯამში, მაინც ხელოვნური იყო თუნდაც იმიტომ, რომ ბუნებრივი ბარიკადები არ არსებობს. და უცებ ეს ყველაფერი საშინლად ბეზრდებოდა და სიკვდილამდე ეზარებოდა — რომ უნდა ადგე, ჩაიცვა, ხელ-პირი დაიბანო, თავი მოინესრიგო, ისაუზმო, გაისეირნო. იყო ამ ნაძალადვე ყოველდღიურობაში რაღაც საშინლად მუერაცხმყოფელი. გამწარებული ფიქრობდა: „არა, აღარ მინდა. დავილაღე, მორჩა, აღარ მინდა ეს თავის გადაჩენა და ამისთვის რაღაცების მოგონება, რაღაც იდიოტური ძალისხმევა, ნებისყოფა და ეგეთი სიტყვების ბრაზხუნი იმისთვის, რომ კიდევ ორი დღე ვისუნთქო. როდემდე უნდა ვებღაუჭო — დანის პირივით ალესილი ცხოვრების კედელზე თითების და ფრჩხილების დასისხლიანებამდე? აღარ მინდა, მორჩა. მერე ინყებოდა „სულიერი ძლიერება“ — „ძლიერი“, „სუსტი“... ათასი ერთმანეთზე უფრო უაზრო და სულელური მაგალითის მოყვანა. „ეე, ნაღი თქვენი ბითური დედაც!.. აღარ მინდა! დავამთავრე! ნავაგე! მორჩა!..“

და იწვა მერე მთელი დღე გაუძნდრეულად და ამ დროს უჩნდებოდა ყველაზე საშინელი, მურტალი კითხვა: „რას ნიშნავს ეს გადარჩენა? რატომ იბრძვის კაცობრიობა, ადამ და ევადან მოყოლებული, ყველა — უსინათლო, თვალბინი, მუნჯი, ყბედი, ჭკვიანი, სულელი, ლოგინად ჩავარდნილი თუ ფეხმარდი — თავის გადასარჩენად და რატომ უნდა გადაირჩინო თავი? რატომ უნდა იბრძოლო, იფიქრო, იომო, იზრუნო, იდარდო, აშენო, აწინო, აკეთო, ანგრიო, წააგო, შექმნა ამისთვის და რა?.. და იქნებ სწორედ ამისთვის შექმნა იწვა ადამიანმა ღმერთი, ისევე, როგორც ღმერთმა ადამიანი, თავის გადასარჩენად?“

იწვა მერე, აღარ დგებოდა. ცამდე მარ-

თალი იყო. ინვა, ცდილობდა, დაეძინა, ძილშიც კი უძინოდა გაღვიძების. ნახულობდა სიზმრებს, ელოდა ორსართულიან, შიფერით გადახურულ სახლს, მაგრამ სახლი ყოველთვის მოულოდნელად მოდიოდა, როდესაც თავად მიიჩნევდა საჭიროდ მაშინ. ან სულაც შემთხვევით. მისი ნება იყო.

ინვა და იტანჯებოდა. და ის, რომ ცამდე მართალი იყო, ოდნავაც ვერ ეხმარებოდა. რატომღაც უმოქმედობა მაინც გაცილებით უფრო მტანჯველი იყო, ვიდრე ის ნაძალადევი, მტკივნეული და უაზრო, ყოველდღიური, ყოფითი საზარუნავი. ბოლოსდაბოლოს, როდესაც ურჩხული მოგდევს, ნებისმიერ შემთხვევაში, სჯობს, გაიქცე, სადამდეც გაქცევი, ვიდრე ასე უძრავად დახვდე, ფელამუშის ნაჭერივით.

ცოტა ხანს კიდევ ელოდა სახლს. იცოდა, რომ ტყუილად ელოდა, მაგრამ ინვა და ელოდა. ამ ბოლო დროს უკვე ისე ელოდა სიზმრის სახლში წასვლას, როგორც სახელმწიფო სამსახურით გადაღლილი მოქალაქე ეშურება ხოლმე ზაფხულში შვებულების აღებას და აგარაკზე ასვლას დასასვენებლად და სულის მოსათქმელად.

და არა მხოლოდ იმიტომ, რომ იქ თვალი ეხილებოდა და ყველაფერს ხედავდა, არც იმიტომ, რომ ცუდი სახლი იყო, საშინში და ყოველ წამს შეიძლება, რამე მომხდარიყო. როცა რამე ხდება, თუნდაც საშინში და საშინელი, თვით ამის მოლოდინიც კი გაცილებით უკეთესია, ვიდრე როდესაც არაფერი ხდება და ამ აფთარივით პირდაღებული არარაობის წინაშე დგახარ, ხელეზრამოყრილი და განიარაღებული. მთავარი ის იყო, რომ გრძნობდა, იმ სახლში რაღაც ხდებოდა, რაღაც ძალიან საინტერესო და ერთ მშვენიერ და საშინელ ლამეს ყველაფერი გაცხადებოდა, ან მთავარი მასპინძლები დახვდებოდნენ, ან პირიქით — სტუმრად მოვიდოდნენ ან თავად სახლი ეტყოდა და აჩვენებდა რამეს... რამე ისეთს — მთავარს!

აბა, ასე ტყუილად სახლები სიზმრებში არ დაიარებიან. ეგ ზუსტად იცოდა. შემთხვევით შეიძლება ერთხელ შემოხეტებულიყო, ორჯერ... მერე უკვე შარია. და სწორედ ეს შარი იყო, რასაც ელოდა და რაც აძლებინებდა. ხვდებოდა, რომ იქ რაღაც ისეთი ხდებოდა, მნიშვნელოვანი. ან იქნებ სამუდამოდ დასახლებულიყო კიდევ ამ სახლში. ვინ იცის, სინამდვილეში სად არის სიზმარი? აქ თუ იქ? ვინ დაადგენს? ცხადი მაინც იქ არის, სადაც ხედავ... მაინც ძალიან უჭირდა. ადგომა ყველაზე უფრო მეტად, მერე ნელ-ნელა, ნელ-ნელა იმართებოდა, მაგრამ პირველი ნაბიჯი მაინც საშინელება იყო. ყველაზე მტანჯველი და მტკივნეული, როგორც ალესილ სამართებელზე გაიარო ფეხშიშველმა.

საკუთარი გამოცდილებით იცოდა, რომ სჯობდა, წამომდგარიყო, როგორმე გაეძლო და თუ სახლიდან გაღწევის ძალაც ეყოფოდა, მთლად უკეთესი, იმიტომ, რომ თუ სანოქში დარჩებოდა, დღის ბოლომდე გარეკავდა და მერე, მბორგავი, ოფლში გახვითული და ნერვებდანწყვეტილი ერთადერთ ნუგეშად ძილს, როგორც სიკვდილს, ისე დაელოდებოდა...

წყალი გადაივლო და შედარებით უკეთ იგრძნო თავი, მისთვის წინასწარ გამზადებული თეთრეული და ტანსაცმელი ნახა და ჩაიცვა. ვერასოდეს იტანდა უსუფთაოდ და უგემოვნოდ ჩაცმულ ადამიანებს. ჩაცმა მაგრად უყვარდა, განსაკუთრებით ფეხსაცმელების. ახლაც კი ხელის თითებით ამონებდა ფეხსაცმელს და თითქმის არასდროს ცდებოდა. შავი სათვალე გაიკეთა. ხელჯოხი აიღო და სახლშივე გაშალა. ძალიან კარგი ხელჯოხი იყო, ლამაზი, მოკლე და ძალიან კარგი. რომ გამოიღო, ორ მეტრზე იშლებოდა, რაც გამოცდილი და უსინათლობას მიჩვეული ადამიანისთვის სრულიად საკმარისი იყო. ერთადერთი, რასაც ვერ შეეგუა, ხელჯოხის მონოტონური და გულისგამანვრილებელი კაკუნი იყო. ისეთი შეგრძნება ჰქონდა, თითქოს პირდაპირ მის ნერვებზე უკრავდნენ და თავიდან ლამის ღრიალი დაიწყო. მერე თანდათან მიეჩვია. ისიც დაამხეცა, რომ ჯოხი ტროტუარისადაა, ასფალტიდან ან მიწიდან ოდნავ მაღლა დაეჭირა და მხოლოდ დროდადრო მოესინჯა წინ სივრცე...

ეს ხელჯოხი და კაკუნი ბავშვობისას ნაკითხულ „განძის კუნძულს“ ახსენებდა, ბებერი ბრმა მეკობრე პიუ, დამეტკილ ბართს რომ მიუტანს თავის კაპიტან ბილი

ბონსს და ის კიდევ დაღუნული მეზღვაურული კორტიკით გამოუხტება, მაგრამ მოქნევის დროს სასტუმროს აბრას წამოსდებს და ბებერი ოხერი პიუ გადარჩება, გაასწრებს.

ელიმებოდა, მაგრამ ეს მოგონება მაინც დიდხანს ვერ მიჰყვებოდა, ვერ ართობდა.

რას ვიფიქრებდი, რომ ბავშვობაში მეც ბებერი მეკობრე პიუსავით ვივლიდი, თან ისე, რომ დამეტკილ ბართსაც არავინ გამაატანდა ბილი ბონსთან — შენი კაპიტნობა დამთავრდაო. არავინ იცის, წინ რა ელოდება და ვერც ვერასდროს გაიგებს, სიცოცხლეც ხომ სწორედ მაგით მთავრდება, შეუცნობელში წასვლით, საიდანაც ჯერ ამბავი არავის მოუტანია და არც შენ იცი, წინ რა გელის — განსანმენდელი, საზვერეები, ანგელოზები, ემმაკები, კუპრის მდინარე, სადაც მხოლოდ ერთი ბენვის ხილია, თუ კარგად მოიქცევი და ბევრ სიკეთეს ჩაიდენ, შენი სული გამსუბუქდება და გახვალ კუპრის მდინარეზე, თუ ცოდვებით ხარ დამძიმებული, ჩავარდები.



საშინელი, ადუღებული, კუპრის მდინარე, რომელიც თავის შავ-ნოთელი ცეცხლისგან დახეთქილ ტალღებს მოაგორებს და უბედურ ცოდვილებს აბრუნებს თავის აღმოდებული ზვირთებით. კუპრის მდინარის მთელი კალაპოტი ცოდვილების მოთქმა-გოდებით არის აზრილებული...

კუპრის მდინარე და ზედ ბენვის ხილი. რა სიკეთე უნდა გქონდეს ეგეთი ჩადენილი, ბენვის ხილმა რომ გაგიძლოს? ან კიდევ კუპრის მდინარეზე და ბენვის ხიდზე გაცილებით უარესი. არაფერი რომ დაგხვდეს. სიცარიელე. შავი, ბნელი სიცარიელე, ზუსტად ისეთივე, საიდანაც მოხვედრი... ხო ეგრევე მოგენატრება ბენვის ხილი... „არავინ იცის, წინ რა ელოდება“...

ამაზე ყოველთვის თავისი შვილის ნათქვამი ასხენდებოდა, რომელიც ახლა სტოკჰოლმში სწავლობს და ძალიან დიდი ხანია, არ უნახავს.

მაშინ კი შვიდი წლის გამხდარი, აწონილი ბიჭი იყო. რაღაც მაგარი სათამაშო მოუტანა. ბიჭმა ძალიან გაიხარა, მაგრამ მერე მოიწყინა და თქვა: „კაცს როცა რაიმე სასიხარულო შეემთხვა, უნდა გაუხარდეს, თორემ ვინ იცის, წინ რა სახიფათო ამბები მოელოდებაო“...

სახლიდან გასვლისას კარს არასდროს კეტავდა. საშინელება იყო ხელის ცეცებით გასაღების საკეტში მორტყმა. ახლაც უბრალოდ გამოიხურა რკინის თეთრი კარი და კიბზე დაეშვა. აქ იქ უნევდა ხელჯოხის კაკუნი. მისი სახლის კიბე იყო, ზეპირად იცოდა, მაგრამ მაინც დიდი სიფრთხილე სჭირდებოდა. ერთი-ორჯერ მაინც წამოჰკრავდა ხოლმე ფეხს, ან ჩაუცდებოდა ვერაგულად ჩატეხილ საფეხურზე. ყველაზე მეტად ამ დროს მეზობლებთან შეხვედრას ვერ იტანდა, გამოქანდებოდნენ, ამოსდებდნენ იდაყვი ხელს და დაფაცურდებოდნენ. სიკეთით მოსდიოდათ, აბა, რა, მაგრამ მაინც ძალიან ძნელი იყო.

შუა გაზაფხული იდგა, აპრილი. როგორც იქნა, დათბა. ეზოს ბავშვების ყიჟინი იკლებდა: „დედაა, ხუთთეთრიანი ჩამომიგდე, დედაა!.. პასი, ეი, პასი ძმურად, აუ, შენ ვინა ხარ რააა!.. მამა, არ

ჰქონდააათ!.. გოლი!.. შეიძლება, კიდევ ვიყიდო ნაყინი! არ იყო გოლი... არაა! ყელი გაგიცივდება! მთელი ზამთარი ინექტი! რა არ იყო ბიჭოოო!.. დედააა!..

უცებ თავბრუ დაეხვა. ხმები, გაზაფხულის სუნი, მზე, რომელსაც მთელი სხეულით გრძნობდა და ისრუტავდა. იგრძნო, მთვრალივით როგორ აერია ფეხი. საუკუნე იყო, აღარ დაუღვია, უკვე დიდი ხნის დავინყებულნი ჰქონდა სიმთვრალის შეგრძნება და ახლა ყველაფერი დატრიალდა. ნელში გაიმართა, თავი ასწია და ოდნავ ფეხარეული საკაიფო რწევა-რწევით წავიდა, როგორც ადრე თავის ბიჭობაში დადიოდა, ღვინით მთვრალი...

მანქანის მუხრუჭის ჭრიალი გაისმა! — გადადი რა დროზე, ტო! — ნადი ერთი, შენი დედაც!.. — რაა?.. — ვერ გაიგე? გაგიმეორო? — შავი სათვალე შეაბრუნა იქით, საიდანაც ხმა მოდიოდა. მძლოლმა მხოლოდ ახლავა შეამჩნია

და ხმის ამოუღებლად დაძრა მანქანა. მიდიოდა ნელში გამართული, თავანუელი და ფეხარეული — შავი სათვალით და ხელში თეთრი, ლამაზი ხელჯოხით. ეკლესიის ჭიშკარი მოწყალეების სათხოვნელად გამოსული ადამიანების ხმით იცნო, მიხვდა, რომ მოვიდა. პირველი გადაინერა. ჯიბიდან სპეციალურად მათთვის შენახული ბლომად თეთრი ფული ამოიღო და გაშლილი ხელისგულით გაუნოდა.

— თქვენ თითონ აიღეთ, ვისაც რამდენი გინდათ და გჭირდებათ.

და როდესაც იგრძნო, რომ უკანასკნელი ხურდაც აიღეს მისი ხელისგულიდან, ხმებს, რომლებიც მაღლობას უხდიდნენ და ლოცავდნენ, ცალკეად, კეთილად გაუღიმა და თეთრი ხელჯოხის კაკუნით განაგრძო გზა.

ბებერი მეკობრე პიუსავით... ორსართულიანი ჩვეულებრივი სახლი კი იქ იდგა, სადაც იდგა — ქვის კიბით, უმოავლოდ, შიფერით გადახურული, ხის ნითლად შეღებილი და ახლა გაყავისფერებული იატაკით, ერთმანეთში გამავალი ოთახებით, გამშრალი, გახურებული კედლებით და ფანჯრებიდან შავ, მურტალ სიბნელეში გაფრიალებული თეთრი, ჭუჭყიანი ფარდებით.

ფანჯარასთან კი თვითონ იდგა ჯიბეში ხელეზრანუბილი და უყურებდა მანქანების ზრიალში, ერთმანეთში არეულ, გამწარებულ და გადარეულ ხალხში, გამონაბოლქვის სუნით და ბულით ამომხრჩვალ ქუჩაში მიმავალ საკუთარ თავს. როგორ მიირწეოდა წელგამართული და თავანუელი, შავი სათვალით და ხელში თეთრი ხელჯოხით. როგორ მიიკვებდა ამდენ უცნობ და უცნაურ ხალხში გზას ისე, რომ ვერავის და ვერაფერს ხედავდა.

ფანჯარასთან იდგა, ჯიბეში ხელეზრანუბილი, უყურებდა და ელოდა.

ე, მართლა, ნეტავი მაგ ორსართულიანი სახლის პირველ სართულზე რა ხდება? ჯერ იქ არავინ ჩასულა. არც ერთხელ. და არც თვითონ გამოჩენილა...

### გიორგი ლობჯანიძე ჩემი ვანჯრებიდან დასასრული

ერთი კია, მუცლიდანვე რაღაც სასწაულით გადავრჩენილვარ და ამასთანავე ამცდენია ორი უხერხული სახელი — სერაფინი, დედაჩემის მამისა, და უფრო კი, ერასტი, მამაჩემის მამისა, რომლის დარქმევასაც, რომ არა წმინდა გიორგის ნება, თურმე სერიოზულად მიპირებდნენ.

ირმას კი ჩემს მესხიერებაში უკავშირდება კიდევ ერთი მისტიკური ამბავი, რომელიც რაკილა ოლიკა ქადაგის ამბებისაგან განსხვავებით, შესანიშნავად მასსოვს, ჩემზე დღემდე პირვანდელი სიცხადით მოქმედებს.

რახან მაშინ მე სკოლაში ჯერ არ დავდიოდი, ესე იგი, ირმა იყო დაახლოებით მეშვიდე კლასში, უცნაური ხილვები რომ დაენყო. ჯერ თავიდან მშობლებს არ უმხელდა, მერე კი, როცა თავსდატეხილმა უცნაურობამ ძალიან შეანუხა, რა თქმა უნდა, დედას უთხრა, რომ საღამოობით ან გამთენიისას, ვიღაც შავებში ჩაცმული კაცი ეცხადებოდა და დავალებებს აძლევდა. დედაჩემი მორწმუნე იყო, მაგრამ თავიდან, ეტყობა, ეს ყველაფერი ირმას ფანტაზიას მიაჩნდა. დროთა განმავლობაში კი ჩემს დას სერიოზული შიში რომ შენიშნა, დაუჯერეს, დასვეს და ყველაფერი მოაყოლეს.

ირმამ თქვა, რომ მაღალი, წამოსასხამში გახვეული უცნობი კაცი ყველაასაგან უჩუმრად მოდის და აშინებს.

ატყდა ერთი ალიაქოთი. ჯერ ეგონათ, ვიღაც ჩვენი სოფელი ავაზაკი აშინებდა. დაუდარაჯდნენ, მაგრამ ვერაფერი რომ ვერ გააწყვეს, დაიწყეს ექიმბაშებსა და მკითხავებში, უფრო სწორად, მლოცველებში სიარული.

შორს წასვლა არ დასჭირვებიათ. მაშინ ჯერ კიდევ ცოცხალი იყო მამაჩემის დედა, ოლიკა ბაბო, რომელმაც უებარი შელოცვა იცოდა.

ჰოდა, დაანვინეს ეს ირმა და ოლიკა ბაბომ კოჭობი გადმოაბრუნა.

ვინც არ იცის, რა არის კოჭობის გადმობრუნება, იმისთვის ალბათ საინტერესო იქნება ამ რიტუალის საგანგებო აღწერა: შეპყრობილი ან შეშინებულს მლოცველი ტახტზე დაასვენს, გულზე ან თავთან წყლით სავსე ხის ვარცხლ დაადებს და გარემოში შემოვლას იწყებს. თან ჭინჭარს სცემს წყალს და ფერად-ფერად მაგიურ შელოცვას ბუტბუტებს.

არ ვიცი, ჭინჭარს ცემით თუ არ ვიცი, შელოცვის ძალით, ცივი წყალი თანდათან ხურდება, დულილს იწყებს და ჰაერში ორთქლად იფანტება. ჩემი თვალთ რომ არ მქონდეს ნანახი, ვერ დავიჯერებდი, მაგრამ სწორედ ასე მოხდა მაშინ და ამ ამბავმა ჩემზე შემარყველად იმოქმედა. მთელი ვარცხლი წყალი ერთ საათში აორთქლდა. ბაბოს სახლიდან წამოსულებს ეჭვი აღარ გვეპარებოდა, რომ ირმა სრულებით განიკურნა და ის „სტუმარიც“ მართლა კარგახანს არ გამოჩენილა, სანამ ერთ დღესაც დილით სამზარეულოდან ირმას განწირული ღრიალი არ შემოგვესმა.

სამზარეულო ეზოში გვედგა. სახლიდან სასწრაფოდ ჩავცვივდით ქვემოთ და სამზარეულოში ირმა დავინახეთ, რომელიც იდგა და დაფეთებული თვალებს ატრიალებდა, ხელში კი რაღაც შავი ნაჭერი ეჭირა. მერე ჰყვებოდა: ისევე მოვიდა ის კაცი, მე თავიდან ძალიან შემეშინდა, მაგრამ ძალა მოვიკრიფე და სახიდან ნაჭერი ჩამოვგლიჯე, რომ დამენახა. ის კი უეცრად გაქრა და ხელში ეს შავი ნაჭერი შემომრჩაო.

ის ნაჭერი ბაბოჩემის რჩევითა და ლოცვით დანვეს და ჩემს დას იმის მერე ფრჩხილიც აღარ წამოსტკენია. ხალისიანი, ჩახჩახა, ცხოვრებისა და სიყვარულის ნდობით აღსავსე ადამიანი დადგა, რომელმაც სწორედ ამ ნდობისა და სიყვარულის გამო იმდენი რამ გადაიტანა ხორცშესხმული ადამიანებისაგან მერე, რომ ალბათ ყმანვილობის დროინდელი ხილვები იმასთან შედარებით ახლა აღარაფრად ეჩვენება.

ერთი პატარა ქალაქის ერთი პატარა უბნის ერთ პატარა ქუჩაზე ერთი პატარა სკოლა იდგა. ეს სკოლა სხვებისგან თითქოს არაფრით გამოირჩეოდა, მაგრამ მაინც რაღაცით განსხვავდებოდა და ამ განსხვავებულობას ის ქმნიდა, რომ დიდი და ძალიან ლამაზი იყო. ჰო, კიდევ ერთი და, იქნებ, მთავარი რამ – ამ სასწავლო დაწესებულებას ჰყავდა მეტად საინტერესო, თავისუფალი და კრეატიული დირექტორი, რომელიც მუდამ ცდილობდა, ყოველი დღე გაეფერადებინა მოსწავლეებისათვის და არცერთი ჰგვანებოდა მეორეს, სხლად შტამპები და დოკუმენტი და არასოდეს ყოფილა სპარტანული და ავტორიტარული აღზრდის მეთოდების მომხრე. ამიტომაც, ყველას განსაკუთრებულად უყვარდა, არავის ემინოდა მისი, თუმცა, ყველა მოწინებოდა და პატივისცემით ეპყრობოდა.

ერთხელ, ბავშვების დაჟინებული თხოვნით, ბატონმა მ.მ-მ გადაწყვიტა, თითოეული მასწავლებლისთვის განსაკუთრებული დავალება მიეცა. მათ საკუთარ საგანში მორიგი გაკვეთილის ახსნის მაგივრად, უნდა გაეცათ პასუხი კითხვაზე: რა არის სიყვარული, და საერთოდ, არსებობს თუ არა იგი?

გაკვეთილები, ბუნებრივია, მაღალ კლასებში ჩატარდა. პირველი, ვისაც ამ დილემის გადაწყვეტა ხვდა წილად, გეოგრაფიის მასწავლებელი იყო.

— გულიკო მასწ, თქვენი აზრით, არსებობს სიყვარული, რომელიც მთელი ცხოვრება ძლებს? — შეეკითხა კლასის ყველაზე გაბედული და აქტიური მოსწავლე.

— ნამდვილად, ჩემო კარგო. სიყვარული ეს ისეთი რამ არის, რომელსაც არც გრძელი გააჩნია და არც განედი, არც ტემპერატურას ექვემდებარება, არც ჰავას და არც ნაციონალობას. მოკლედ, სხვა სიყვარულის გეოგრაფია და მას საზღვრები არ გააჩნია. მას კი, რასაც სივრცე არ ზღუდავს, ვერც დრო შემოფარგლავს და მუდამ იარსებებს, ისე, როგორც თავად დედამიწა და სამყარო. მიუხედავად იმისა, რომ ცხოვრებაში ბევრი დაბრკოლებაა, მე მჯერა, რომ ნამდვილი სიყვარული წლებს გაუძლებს და მაინც გადარჩება. მანამ, სანამ ეს ორი ადამიანი, როგორც ერთი მთელი, ამ ქვეყანაზე დაიარება, დაე, თქვენც გეპოვოთ ის თქვენი მეორე პოლუსი!

შემდეგი ბავშვებთან ფიზიკის პედაგოგი შევიდა.

— თამრიკო მასწ, მაინც რა არის სიყვარული? — იკითხა გიომ დიდი ინტერესით.

— ამ ამოცანას მთელი მსოფლიოს მეცნიერები ეჭიდებიან, ჩემო ძვირფასებო, და მაინც ვერ ამოხსნეს. ეს, ალბათ, უფრო მეტაფიზიკაა, ვიდრე ფიზიკა, უფრო ზუსტად რომ ვთქვათ, რაღაც არამატერიული, სულიერი და ამაღლებული. ამიტომაცაა, რომ სიყვარულს ვერ ხედავენ, არამედ განიცდიან.

— და თქვენ ბედნიერი ხართ? განგიცდიათ ასეთი რამ?

— ბედნიერება ფარდობითია, მაგრამ ვფიქრობ, სიყვარული თუ ნამდვილია, ყველასთან ერთნაირად მოდის. იქ უკვე აღარ ისმება კითხვა – მიყვარს თუ არა? სიყვარულს არ ახასიათებს ეჭვები, იცი, რომ ის ერთადერთია და მხოლოდ მასთან გინდა იცხოვრო და სხვასთან არავისთან. ალბათ, შემეკამათებთ – აკი არ არისო კონკრეტული? უცნაურია, არა? მაგრამ ეს მეტაფიზიკური განცდები ერთ კონკრეტულ ფიზიკასთან მიმართებაში გვეუფლებს და ალბათ, ამიტომაც არის, რომ მხოლოდ იმ ადამიანთან გვსურს, გავიზიაროთ ეს ღვთაებრივი გრძნობა და არა სხვა რომელიმესთან.

ახლა ჯერი ქიმიის მასწავლებელზე მიდგა.

— როგორც ვიცი, ახლა უნდა დამისვათ კითხვა, არსებობს თუ არა სიყვარული. მე მეცნიერი ვარ და თუ ამას წმინდა პრაგმატული კუთხით მივუდგებით, არ არსებობს, ვინაიდან ჩვენ ყველაფერს ცდისა და დაკვირვების შედეგად ვადაგენთ

და ასე კი აშკარაა, რომ ისეთი სახის ნივთიერება, როგორცაა სიყვარული, ბუნებაში არ მოიპოვება. მაგრამ, როდენ უბადრუკი, ღარიბი და სწორხაზოვანი იქნებოდა ადამიანი, მას რომ მხოლოდ ხილული სწამდეს. მართალია, ის მენდელეევის ტაბულაზე არ მოიძვევა, მაგრამ მერე რა? თქვენ გგონიათ, მე ჩარჩოში ჩასმული მეცნიერი ვარ? არა, დღეს უნდა დავარღვიო თქვენი სტერეოტიპი. როგორ, ეს საბჭოთა დრო როდია, როცა ნებისმიერი რწმენა ცოდვა იყო. დიხაჯ, არსებობს სამყარო, რომელსაც თვალთ ვერ აღვიქვამთ, მაგრამ შევიგრძნობთ. აბა, კომუნისტებისთვის რომ დაგეგვრებინათ, არც ღმერთი იყო და არც სიცოცხლე სიკვდილის მერე. მთავარი იყო, „მოგეჭამა“ ეს ცხოვრება, მოგესწრო და უკაცრავად და შეგეთქვლივა. კაცს ყველაფრის უფლება ჰქონდა, ქრთამი ჩვეულებრივი რამ იყო, ერთი სიტყვით, უღმერთობა სუფევდა. დიხა, ბავშვებო, არსებობს სიყვარული და მას ხშირად, გაგეცინებათ და, ქიმიასაც კი ადარებენ – ერთმანეთის მიმართ ქიმიის გაუჩნდათო. ეს არის ის ნივთიერება,

მაკა ლომაძე

არც ისე ზღაპრული ამბავი

ქდღვნება ყველა აბიტურიენტს



რომელიც აღმოჩენილი არ არის, მაგრამ რომელსაც ვერცერთი ოქრო და სპილენძი ვერ შეედრება – ის ყველა ძვირფას ქვასა და მეტალზე უძვირფასესია, მეტიც – შეუფასებელი.

ბავშვები კმაყოფილი დარჩნენ ამ ახსნით. ბევრი კითხვა გაუჩნდათ, თუმცა არაფერი უკითხავთ. განსაკუთრებით გოგონებს მოეწონათ ეს „შეუფასებელი“, რომანტიზმმა ერთი-ორად იელვა და საამოდ აუციმციმდათ ლოყები, შეეფაკლათ ატმის ყვავილისფერი ღანვები თავად ყვავილებს.

ახლა ისტორიის მასწავლებლის ჯერი მოსულიყო.

— დღეს, ალბათ იცით, ძალიან საინტერესო თემაზე ვსაუბრობთ და ეს ყველა ბავშვს განსაკუთრებით გვახარებს. თქვენ რას გვეტყვით, მიშა მასწ? — ვეღარ მოითმინა თიკომ, რომელსაც ეს საგანი განსაკუთრებულად უყვარდა.

— სიყვარულს იმდენი ისტორია აქვს, რამდენიც წყვილია და რამდენიც ადამიანია. სიყვარულის ისტორია ღვთის მიერ

ინერება და ამიტომაც, არავის აქვს არავის გაკიცხვის უფლება. სიყვარულის სახელით ყველაფერი გამართლებულია. ეს გრძნობა კაცობრიობის ისტორიის ასაკისაა, არქაულია, არ ექვემდებარება არც მოდას, არც ეპოქას და არც ქვეყანას – ის მარად იყო და იქნება, უკვდავია, როგორც თავად ღმერთი.

მერე ბიოლოგიის რიგი დადგა.

— ციციო მასწ, რა არის სიყვარული?

— რაკი ასეთი პოეტური თემა გვაქვს დღეს, მეც პოეტურ ხასიათზე დავდექი. სიყვარული მარადუქნობი ყვავილია. მას არ სჭირდება განსაკუთრებული ნიადაგი და წყალი, ის მაინც აღმოცენდება ხოლმე. და ეს იმიტომ, რომ სიყვარული გულში აღმოცენდება, მსგავსი გული მსგავსს მიელტვის, მონათესავე სულები არიან და ამიტომ. დაბადების მერე კი გაფრთხილება ნამდვილად უნდა, რომ მსახვრალმა ქარმა არ წაიღოს.

შემდეგ ჯერი მათემატიკაზე მიდგა.

— მაინც, რა არის, ლეილა მასწ, სიყვარული? ან არსებობს კი ის?

— ნამდვილად არსებობს, ჩემო კარგე-



— ო, ეს მართლაც ასტრონომიული გრძნობაა, ყველაზე დიდი გრძნობა, რაც არსებობს. სიყვარულის ფორმულებით გამოხატვა მხოლოდ ერთ გენიალურ ქართულ ფილმში მოხერხდა და ამ იდეის ავტორებიც „შერეკილებად“ მონათლეს. სიყვარულის ასტრონომია კი ისაა, რომ ის ვერტიკალურია და თანაც, ბრუნვადი. ისე, თავად დედამიწას სიყვარულის პლანეტას უწოდებენ, რადგანაც ჩვენი მთავარი არსი სიყვარულია. ეს ფართო გაგებით, ისე კი მართლა ამ ღერძის გარშემო ბრუნავს ჩვენი კაცობრიობა და მრავალი ომისა და სტიქიური უბედურების მიუხედავად, ის მაინც ბრუნავს. დაე, იბრუნოს, დაე, გვიყვარდეს მუდამ. შეყვარებულ ადამიანებს კი ციური მნათობები გამსაკუთრებულად იზიდავს და ათრობს, მთვარე ხომ მუდამ იყო მიჯნურთა მთავარი მესაიდუმლე.

ბოლოს ქართულის მასწავლებელს ჰკითხეს აზრი.

— „სიყვარული აგვამალვებს – ვით ეყვანნი, ამას ჟღერენ!“ ბრძანა დიდმა შოთამ. „უსიყვარულოდ მზე არ სუფევს ცის კამარაზე“ – გაეპასუხა გალაკტიონი. არაჩვეულებრივი ნათქვამია: „სიყვარული, ძალსა შენსა, ვინ არს, რომე არ ჰმონებდეს?“ რადგან მისი მონობა სასიამოვნოც კია, თუმც, ზოგი ცალხმრივად იტანჯებიან და ეს დიდი ტკივილია, მაგრამ მაინც დიდი სიხარული. რომ არა მისი უდიდებულესობა, არ იქნებოდა არც ესოდენ შესანიშნავი პოეზია და ლიტერატურა, არც უნატიფესი ხელოვნება. არც სილამაზეს ექნებოდა ფასი. აკი, ასე გვითხრა პოეზიის მეფემ: „უსიყვარულოდ არ არსებობს არც სილამაზე“. სრულიად ულამაზო ადამიანიც კი შეიძლება დაამშვენოს ამ დიადმა გრძნობამ, რადგან სილამაზე მაინც სულის მდგომარეობა უფროა, ვიდრე სხეულისა. გისურვებთ, მარად შეყვარებულები ყოფილიყავით, რადგან ეს ის შარბათია, რომელსაც ერთხელ რომ დალევ, მისი გემო არასოდეს დაგავინწყდება. ბედნიერ სიყვარულს გისურვებთ, ახალგაზრდებო, რომ ხემ ჯანსაღი ნაყოფი მოიხსას და გალადდეს ერი, დამშვენდეს საქართველო თქვენი სილამაზით.

აი, ასე ჩაიარა თითქოს ერთმა ჩვეულებრივმა დღემ, მაგრამ ეს დღე დაუფიქნარი აღმოჩნდა ბავშვებისათვის. მათმა შთაბეჭდილებებმა ასახვა ჰპოვა ბევრი მათგანის დღიურში, ზოგმა კი სურათებიც გადაიღო. თავი ნამდვილ ჟურნალისტებად იგრძნეს. მათ პირველად შეძლეს, ყველა მასწავლებლისგან ჩაენერათ ინტერვიუ ყველაზე ზოგადსაკაცობრიო თემაზე. ვინ იცის, იქნებ, რომელიმე მომავალი ჟურნალისტიც იყო? ბევრი შეყვარებულიც ერია მათ შორის, რომლებსაც სხვებზე უკეთ ესმოდა ამ სიტყვების მნიშვნელობა, რამდენიმე კი მტკიცედ გადაწყვიტა, დამამთავრებელ ბანკეტზე აუცილებლად აეხსნა სიყვარული თანაკლასეული გოგონათვის და აღარ განეგრძო ამ დიდი გრძნობის მალულად გულში ტარება. თითქოს, კიდევ უფრო თბილები, კეთილშობილები და ლამაზები გახდნენ ამ დღის მერე, თუმც, ისედაც მალე იწყებოდა მათი ცხოვრების გაზაფხული – სულ მალე ბოლო ზარი დაირეკებოდა და სტუდენტობის ლამაზ ბილიკებს გაუყვებოდნენ...

გაზეთის შემდეგი ნომერი გამოვა 6 სექტემბერს.

**ლიტერატურული გაზეთი**  
 საქართველოს კულტურისა და ძეგლთა დაცვის სამინისტრო  
 საქართველოს მხარეთმცოდნეობის ინსტიტუტი  
 რედაქტორი ირაკლი ჯავახიძე  
 რედაქტორის მოადგილე უჩა შერაზადიშვილი  
 ჟურნალისტი თამარ ჟურული  
 მობ. ტელ.: (577)742277; (599)269852; e-mail: litgazeti@yahoo.com